




符江詩存序



古來文字之得傳於後者非其詩孫保守之即賴鄉  
 邦志古之士搜輯而表章之而後足以自見於世顧  
 搜輯之不易也或時代久遠軼而難稽或僅有存者  
 零章斷句非得志古之士網羅散失及時愛護而甄  
 錄焉則其不至於湮沒也幾何矣吾師所居當巴夔  
 之交為古符江地懼文獻之無徵也萃鄉先哲行誼  
 都為一篇曰符江耆舊傳今又輯鄉先哲所著詩編  
 而錄之曰符江詩存凡得詩如干首或繫乎名流碩  
 序

一 石船居贖藥

彥之出處或誌乎貞義士女之事實或關乎政治民  
 俗之遷變比其年次系以小傳而 太夫子泉亮儕  
 先生之詩增焉輯既成命之祺等校而序之之祺雖  
 不文不敢辭竊惟蜀地文章之盛甲於宇內明儒周  
 復俊編全蜀藝文志六十四卷錢編巨帙蔚為大觀  
 矣合江之為縣始漢元光時曰符曰安樂名凡數易  
 雖以姜詩趙社為之長而自孝女先絡外人士寂無  
 聞焉華陽國志諸書可考已越於今而彬彬稱盛以  
 文學顯者若而人以勳業著者若而人一吟一詠亦

各肖其人之意氣而想見風誼之美讀 太夫子逸  
居卽景諸作高懷遠致穆然千古乃知根深者葉茂  
膏沃者光煜吾師之粹於詩其源蓋有有自矣今是  
輯出聞而興起接踵有的人生是鄉者服習既久將見  
家裏珠而人抱玉皆於是編啟之固不僅爲徵文考  
獻之資已也之祺丁離亂之後故鄉篇什蕩焉無存  
亦嘗思搜剔煨燼爬抄叢殘鳩夫零章斷句之僅存  
者宗程敏政新安文獻志沈季友樵李詩繫之例以  
傳什百於萬一而觸事勞總未有崇緒觀師此編不  
禁惶然汗下矣光緒丙申中夏受業金壇林之祺

序

二

石船居贖囊

夫君子之於學也... 亦嘗思搜剔煨燼爬抄叢殘鳩夫零章斷句之僅存者宗程敏政新安文獻志沈季友樵李詩繫之例以傳什百於萬一而觸事勞總未有崇緒觀師此編不禁惶然汗下矣光緒丙申中夏受業金壇林之祺

符江詩存序

符江詩存一卷我師哀集自唐以來合江邑人之作  
附于古昔君子操選政者以詩存人其人存詩之例  
也合江在漢巴符之地頻江上游環四面皆山巨領  
曾巒委屬蟠鬱誕鍾賢達代有其人而著作訖不傳  
其百一勝國無論矣我

朝如董樗齋之劍外搜奇數百卷泉榿林臚語詩文  
集卒無有存焉者然則山川之光氣其淪闕而莫爲  
之導揚也久矣我師嘒焉印惟趨庭之學既追修遺

序

一 石船居臘囊

訓增纂族譜又成符江耆舊傳又錄蔣八霞之集將  
爲之梓皆所以存其不易存者冀以流布于無涯茲  
迺又爲此詩存也徵考志乘近及耆舊中之作八轍  
之藁更進而敬登 太夫子之遺什與一門倡猷之  
所賦審錄而備載之而合江之詩家畧見于是仁矣  
乎師之用心也昔鄧湘臯先生手輯資江沅湘耆舊  
集兩書校輯王船山遺書等統計幾七百卷曾文正  
爲之說而傳之曰千秋者以與人相續而成焉者也  
自稍有智識卽不能無冀于不朽之名智尤大者所

冀尤遠焉人能宏道無如命何或錄錄而有聲或瓌  
才而冢詬或佳惡同時同位同而顯晦迥別或覃思  
孤詣而終古無人省錄彼各有幸有不幸于來者何  
與先生迺舉湖南之仁人學子薄技微長一一掇拾  
而光大之將非長逝者之所託命邪臆哉言乎闡釋  
盡之矣我師與湘臯先生所爲雖多寡廣狹之不相  
侔要之用心則無異安知它日不推而考之州郡行  
省如湘臯之比而先以一邑爲槩章乎惟坻承教爲  
序謹詳述曾文正之說獻也光緒丙申中夏受業元

序

二 石船居賸囊

和陶惟坻

序

乙未秋我師有符江耆舊傳之刻衣冠肅集靈爽疑  
存喬木蔥蘢光氣無恙藉鉅筆以表闡俾潛惠之弗  
湮嗣乃採榦崇巖求珠滄海復輯符江詩存一卷山  
河在目幸釣弋之堪蹤竹素有情聽風雨而如奩將  
以嗣芬前軌資信後髦甚盛意也在昔西河侯君伏  
文漢代東海何生闕美蕭選蔚宗述悼於莫知表聖  
纏恨於旣往良以姦輪不返修景易徂千秋芳草誰  
憐駿骨之香一代詞章特重豹皮之語標幟弗張聲

序

一 石船居贖囊

響終闕況乎鄉邦所隸獻典攸資黃驄白楊橐筆先  
賢之傳左漿右酒奉屢通德之門亦有猿鶴舊儕槃  
阿幽費中年劍佩有夢相依罄地波濤其心不朽搜  
鑿訂遺責將誰貸用是然脂夕校脫腕露鈔循篋衍  
之辭仿極元之作分繫厓畧則遺山中州集之亞也  
追述先箸則竹垞明詩綜之例也規今櫺古附翼湊  
鱗遂使載酒重游招白雲而可語撫弦欲往敷青峰  
而宛然所謂風雅之道粲乎可觀者豈不信哉昌煦  
以窮魚聚沫爲寒鳥因依萬里行騰僂訪東坡之宅

百家藝事如窺常璩之書頑鈍不文主臣而已光緒  
丙申中夏受業元和潘昌煦

序



二  
石船居贍藁

百家中夏受業元和潘昌煦  
百來幾事誠誠常璩之書頑鈍不文主臣而已光緒

符江詩存附錄目次

蘇軾二首 任伋一首 晁說之一首

范成大五首 陸游一首 許伉一首

楊申一首 楊慎二首 鍾惺一首

王夢熊一首 樊一蘅一首 董明命三首

魏學渠一首 王士禎三首 樊曙二首

陳書一首 冀應熊一首 黃良佐八首

連水青六首 葉體仁二首 譚中鼎一首

王有榕一首 李調元一首 朱雲騮三首

符江詩存

一石船居輯彙

張問陶二首 李榮恩一首 王昌年二首

葉兆熊三首 楊致道四首 鄭國楹二首

李惺一首 謝連堃四首 丁鳳皋三首

莫廷楨四首 周之楷三首 樊澂一首

王蓮魚一首 樊一喬一首 董明命三首

懋申一首 懋勳二首 嚴慰一首

葛汲大正首 劉澂一首 符一首

施棟二首 丑一首 吳備文一首

符江詩存附錄目次



符江詩存

中匯李超瓊惕夫輯

合江志所錄詩以隋劉珍留題雲臺寺一絕爲

首選然珍非邑人其居安樂山乃修煉之士旣

屬方外又係流寓且所題竹杖長拖別境游臨

行十步九回頭洞中得會真消息一點靈光射

斗牛二十八字尤不當以詩論相傳爲其白日

上昇時所作有無附會非所敢知先汪一首則

康熙四十四年通政使曹寅等奉

符江詩存

一石船居臚囊

勅校刊全唐詩固已錄之者也故取以爲吾邑

冠冕云

唐

先汪

貞元中舉孝廉 超瓊按全唐詩以汪爲合

首江人今縣志謂爲唐邑令實志之誤且後漢

合書及華陽國志所載孝女先絡其父爲先泥

和卽符人今上匯堯壩各支均有先姓是固

符江詩存吾邑漢唐以來之舊族也

題安樂山 合江清溪上六七里隋劉珍登真之地有祠

碧峯橫倚白雲端劉氏真人化蹟殘翠栢不凋龍骨

瘦石泉猶在鏡光寒 陶笈注曰此似律詩而佚其下

半者觀明人李鳴珂馮名世兩詩皆川唐韻疑卽此詩其所佚蓋看難二韻也超瓊披此語良然特全唐詩僅錄四句其佚蓋已久矣

宋 宋詩

劉望之 二道

字叔儀紹興辛未進士授學官遷秘書省正

字時和議既成秦檜以金人赦文布四方望

之作詩譏之詞旨激昂一時傳誦著有觀堂

符江詩存 二 石船居贖藁

集

新都驛平遠軒

霜晴水落送歸鞍袖手微吟此慰顏賸欲憑欄招白

鳥更煩翦樹出青山晚悲薄祿非三釜賴許清詩見

一斑看到遠平纔得恨我甯歸臥尺椽間 自注軒有外氏周次

元卿

蜀詩 沈江

尚勝三年謫終慚萬里馴極知行路澁可忍在家貧

歲晚沱江綠雲深錦樹新相思肯如月夜夜只隨以

明 慎平 趙鼎 曾也 樂對 發 誦

董 翼 一首 字伯隣號闔風祖瑤字源溪以歲貢為會同

董 教諭著有源溪集父邦禮字希伯隆慶戊辰

進士由廣平府推官擢戶部員外郎卒祀鄉

賢翼與弟為同中萬曆丙午舉人庚戌成進

士由湖廣益陽令升工部虞衡司主事授廣

東道御史條上六鬱八議切中時弊巡按貴

州卒於官嘗與弟為代輸門堂銀兩又請除

符江詩存 三 石船居牘囊

本邑鐵溪倉銀鄉里德之今下匯支董墳卽

其家塋地也

長沙李忠節公祠

百戰孤城破乾坤白晝陰闔門爭一死報國見同心

嶽峙忠靈壯湘流悲憤深萬年生氣在祠宇鬱蕭森

董 二首

字中隣號元圃與兄翼同中萬曆丙午舉人

由河南內鄉令升戶部主事歷官苑馬寺卿

討平涼賊有功蒙優賚焉

訪隱秋山暮茅茨曲逕長虛幽生白室寂寞草元堂  
人爲棲崖古風從絕澗香晤言新月上桂影滿回塘

題香得歸

頻年鄉夢客愁繁一日抽簪荷主恩幾市驂驢供御  
廐還因松菊戀衡門曉晴雲裏袞斜路秋雨巴山水  
國村歸去山靈休浪噓重披岫幌對芳尊

李鳴珂一首

字寶玉州志謂字名玉淹貫經史著述甚富

符江詩存

四 石船居贖囊

由真生以文行薦授本學訓導古處自敦鄉  
里重之

游安樂山用唐人韻

唐碑宋閣隱崖端野草飛花踏未殘青鳥已啣丹粒  
化白猿虛臥紫苔寒好山仙去春容在舊蹟人來老  
眼看小覺蒲團清夢遠恍然天界訪阿難

人馮名世一首

游安樂山用唐人韻

情翻天啟乙丑進士官至戶部郎中

隣峴削剝倚天端  
僧踏煙霞半懶殘  
瓢挂石門元露  
藪杖穿竹徑  
白雲寒雨前  
雀舌枝頭擷  
春後蘭芽洞  
口看拚醉放歌塵  
慮遠渾忘久世有三難

鄭善夫

一首

官郎中 超瓊按善夫縣志選舉諸門皆無

其名此詩下僅注明郎中某六字是否邑人

亦未詳惟所寄會東石者名璵又字少岷爲

正德戊辰進士官建昌知府會周朝治等佐

王守仁平宸濠之亂事見明史守仁及伍文

符江詩存

五

石船居贈囊

定兩傳生平以文章道義與楊慎章懋相師

友文成尤雅重之東石旣爲吾邑人以詩意

觀之善夫必同里者矣

少岷山歌寄會東石

君不聞少岷之山連  
胃婁雉視西川十二州  
青天萬

古開奇境峯迴嶂轉  
無時休劍門峩眉各失勢  
白帝

烏鼠俯之如浮漚  
上有許由瓢世人不得用  
直挂月

府三千秋蒙泉瀉天奔  
龍湫之溪潺湲學字流  
瀟騰

入汶江萬里滄溟收  
山中老桂色不滓  
芝草琅玕爛

成綺洞口長迴聲利車盤石但坐煙霞侶宋有蘇長  
公隋有劉仙子採芝斲桂樹長鑱亂雲裏少岷山巉  
嶒不可攀劉蘇以後人跡復不到迺有曾東石架屋  
讀易於其間平生負此滄海志少年訪道青城山上  
餐青城絕壁之流霞下弄岷峨陰壑之潺湲黃熊蒼  
兕不敢迫猿狖叫嘯情自懽空谷無人行蘭草復翻  
翻謁來游人世千載愁朱顏吁嗟乎青山信美蒙泉  
亦可以洗君耳君胡爲乎城市許由之瓢欲何俟終  
南有捷徑北山有俗軌元猿獨鶴煖眼冷眼遙看爾  
符江詩存

六  
石船居贖囊

紅塵白馬有何益柴桑不負陶彭澤歸來乎曾東石

王統四首

崇禎乙亥拔貢國變後隱跡不仕有栗里之

風縣志列隱逸州志省志亦載之

九日遊流杯池

此日登高興翻臨曲水池竹陰從古砌花發晚香枝  
欲效囊萸術還流褉祭屆歸歟饒饒領畧端在夕陽時

照水梅和州牧陳公韻

澹抹臨流影獨存扶疏低拂自黃昏浪翻疊疊空搖

翠香泛溶溶暗渡魂落月參橫堪入夢洗妝清淺卻  
如盆任從羯鼓傳催急避俗還流煙水村  
經霜無意壓羣芳委宛臨池浴曉妝月照冰肌人對  
鏡風來水面樹流香自從澤國分新樣爲道羅浮是  
故鄉舊日揚州知已在浣花溪畔幾回腸  
豔極其如矜性何飄然塵外避蹉跎江城吹笛美人  
調江上怡情白雪歌一派天香清俗態幾年高節挽  
頽波閒從漁棹探消息應是前身在汨羅

國朝

符江詩存

石船居臚囊

董益二首

字若谷又字菽園廩膳生超瓊按先生世

居合州祖克治歲貢生父明德皆以募鄉兵

抗張獻忠死於難先生時年十三祖母王孀

之避於硎賊蕪火薰之老稚咸斃王夫人以

食榼障先生獨不死繼又爲姚黃賊所得久

之始脫歸出游滇南返至嘉定與峩眉僧貫

之交因居白衣禪院者累年適先生仲父明

命任敘瀘兵備道始往謁之益削遊賊硎中

董時王夫人遣以先出者也至是始相見維時

善夫

蜀疆未定觀察公馳驅無甯日先生乃奉叔

母蘇夫人

卜居合江旋入邑庠食餼而先生

年已逾壯矣

吳三桂之反其黨自遵義來將

由合江趨永甯

先生迎而給之賊爲避去邑

中遂免蹂躪

中年生子新策弱冠入翰林乞

假歸

養先生顧而樂之亦徜徉詩酒以自娛

年七十一卒

所著有野狂吟一卷新策爲刊

行邑志列傳

符江詩存

入石船居贖囊

友人訂次日游少岷山之約分韻得八齊二首

縹緲三峯入望齊十年巖磴少攀躋雲橫殿閣山腰

斷樹偃虬龍谷口迷白水池荒梅雨後丹砂竈冷竹

林西時聽聒聒多情鳥花下壺盧勸客提

高人有約向招提絕壑明朝路不迷綠蟻早浮桑葢

酒青鞵先試杏花泥暮當掃石隨機布詩待磨崖信

手題愁是夜來游典劇夢回還聽五更雞

超瓊又按先生此二

詩脈志列明人鄭善夫前寶誤

董新策

八首



益子字嘉三又字樗齋號雪畊康熙丙子舉  
人庚辰進士入翰林年甫弱冠卽陳情歸養  
家居二十 years 事親以孝聞雍正初薦授甘肅  
甯夏兵備道尋調平慶道因病乞休年八十  
一乃卒 超瓊按里中傳先生軼事甚夥云  
其八歲時讀書城隍祠宜賓樊侍讀曙泊舟  
江干聞其書聲嘹亮遂入問之時適放學先  
生方倚石欄爲戲樊以手攀石柱團團轉七  
字使屬對蓋俗語也先生一俯視遂應聲曰

符江詩存

九 石船居贖囊

腳踏蓮花步步高樊欣然以女許字焉丙子  
旣登賢書始成婚庚辰成進士入翰林卽乞  
假養親樊時官京師與其座主及同年輩婉  
留之皆不能得年羹堯與爲同榜進士闈中  
又同號舍因病賴先生力乃完卷尤感之甚  
見禮重及年敗有誣其爲同黨者籍先生家  
無依附之迹惟於年所得先生規戒一書語  
皆切中因是蒙特薦卽家授甯夏兵備道及  
調平慶遂告歸蓋其初則孝思純篤不爲科

名當貴所移終乃淡於宦情有浮雲軒冕之  
意誠非後人所能及也且聞解組以後殮糞  
不給亦泊然無所營營僑寓瀘州及成都之  
温江故各志皆載之著有劍外搜奇數百卷  
檀林賸語一卷詩餘一卷詩文若干卷今皆  
不傳惜哉

桓侯祠

朱甍碧瓦照江濱寶座濃香不斷薰壯氣儼存矛丈  
人忠魂長恨鼎三分祠前刁斗森寒日峽口靈旗閃  
符江詩存

十一 石船居賸囊

暮雲魏塚吳宮銷歇盡巴中猶祀漢將軍

朱甍瀘江舟發

斜日清江起棹謳檣烏風定指南陬萬山一線黔西  
路三十年來此再游

自注時有滇南之行

忠山石人行

忠山籠嵒壓江滸上有武侯舊祠宇州人祀事到今  
虔新爲樓觀爲堂廡門前關徑轉山腰莽石中間施  
鑿斧呀然洞穴天爲開石人雙躡如弼輔長髯豐頰  
狀貌奇約畧一軀四尺許拂拭泥汗剔蘚斑背鏤銘

詞不可觀一日守土守土三分辛苦一日遇隆則興  
松柏千古此石不知何代理此銘不知何所取於時  
道路驚相傳叟童觀者集如堵羣蒙臆度且紛囂天  
都人各語其語冠舄初疑道士妝劍佩或詫軍人伍  
不則方之隧道間芻靈翁仲爲儔侶賢守摩挲不謂  
然播以聲詩浮議沮凡物顯晦各有時况屬神人之  
奧府石人今出祠適與古之作者先逆數百千年來  
秘不張山靈沉鬱氣斯吐公徒昇至祠之前左之右  
之森兩部吁嗟乎像人奇績世間多往往所遇非其  
符江詩存

十一  
石船居輯彙

所君不見承露金人辭漢行牽重瀟陵泣秋雨又不  
見平蓋玉人一丈三崔仙仙去誰與處石人石人何  
幸哉臥龍祠下持門戶忠山宇宙大名垂萬古雲霄  
高置汝

五丁關

五丁關外入雲霄一線天中望轉遙崖斷千尋行有  
路溪經百折渡無橋馬蹏踏葉寒聲澀人面衝風短  
鬢飄坐倚藍輿登陟倦不禁心旆自搖搖

臨潼早發

叫曉天雞寂不聞  
紅鐙影裏絕塵氛  
人家夜色新豐樹  
馬首秋涼華岳雲  
古戍清宵無鼓角  
山田儉歲有耕耘  
行行漸近三竿日  
天遠長安望轉殷

謁孝感廟

自注在德陽縣祀漢孝子姜詩孝婦龐氏

昔遊彝陵州  
姜龐聞在彼  
今過德陽縣  
姜龐云在此  
楚蜀兩相蒙  
莫知所自起  
君子有令名  
族黨競稱美  
人情大抵然  
甯獨姜孝子  
倚歎姜孝子  
孝行誰與比  
積誠感神明  
貧足供甘旨  
湧出地上泉  
日給泉中鯉  
刑于龐氏妻  
黽勉相終始  
余家近所居  
夙夜懷仰止  
符江詩存

三

石船居輯彙

奉母二十年  
營辰弗可紀  
劬勞方在疚  
其如今已矣  
坏土未經營  
塵鞅驅不已  
下馬拜荒祠  
寸心慙欲死  
不及君當時  
血性化泉水  
安得千載餘  
姓名重鄉里  
謁李公祠

自注在梓潼縣祀漢李業

雙碣高蹲蔓草餘  
烈儒李氏此遺墟  
常璩紀傳後賢志  
班固標名前漢書  
節箸公孫徵聘日  
祠成嘉靖改元初  
如何寂寞潼江上  
道左無人爲式闌

龐公祠

自注在羅江縣祀漢龐統

鳳雛英爽此長留  
落鳳坡高峙古邱  
故壘風雲關塞

晚亂山松檟廟門秋既曾坏土藏弓劍應有專祠薦  
鬯卣材賽無人稽典禮一龕兼祀武鄉侯

楊 彤 一首

康熙甲子舉人蘇五洲等恩貢定會

白菱花

攜來異種羨清華植在名園也放花香並幽蘭凝湛  
露顏如絳雪吐奇葩輕颺細雨枝常潤倒映銀河影  
亦斜茂對已知饒秀爽早同玉質淨無瑕

金 礪 一首

符江詩存

圭 石船居輯橐

康熙壬午舉人直隸雞澤知縣

偶成

耳熱銜杯後心清入夜時有見知問字無客解談詩  
竹影因風亂桐陰趁月移胡牀獨坐久冷露滴高枝

徐 濬 一首

字瓊山號梅夫雍正元年恩貢家貧事母至

孝處昆弟亦極友愛文行甚爲鄉里所重云

輓明經楊石溪先生

須臾竟已没文星一代風流剩典型家有鳳毛多濟

美人來石室憶傳經猶龍老子終歸隱化鶴神仙亦  
杳冥回首問奇空載酒素車白馬到元亭

楊春藻 一首

歲貢生選授大邑縣訓導

九日登高

石磴登高處聲殘鐘磬稀風狂驚落帽客吟喚添衣  
對景情偏適持鞭馬正肥興來還共酌盡醉莫言歸

羅文思

十三首

字曰睿雍正癸卯拔貢己酉副榜乾隆戊午

符江詩存

古 石船居輯彙

科本省鄉試解元舉孝廉方正歷任陝西商  
南蒲城知縣商州知州有異政遷貴州石阡  
府知府署貴西道解組歸築樂志園居其中  
優游林下者十餘年至八十九乃卒入祀鄉

賢祠

宿少岷山

名山久待我乘輿到雲窩直欲冲霄漢甯惟愛薜蘿  
夕陽西去疾倦鳥北來多今夜且留住峯頭對月歌

少岷山僧舍題壁

翠嶺凌空起霧煙側身西望夕陽偏  
貪看歸鳥過林隙不覺奇峯墮  
眼前土竈夜燒松葉火石盆曉漱菊  
花泉丹梯橫絕靑山路早已先參  
鳥道禪

### 游少岷山

臣游處處愛雲墟遙望家山憶舊  
廬三十年來歸未晚白頭隨意寄  
僧居  
祇緣華殿出叢林落日微微見遠  
岑蒼狗白衣雲變態須知出岫本  
無心

片片雲棲斷壁連  
嶙嶙怪石響飛泉  
當年仙蹟今何符江詩存  
圭  
石船居輯橐

在盡使塵心到此捐

### 流杯春玩

超環按以下八首卽縣志所載符陽八景也

匿匣深藏佛洞春  
曲池新漲碧痕勻  
卮浮鷓鴣隨吟管杓泛鷓鴣  
接坐茵遠樹煙含濃似黛環山  
雨洗淡無塵幾回欲作孫公賦  
應有胡麻飯客人

### 鐵瀘鳳展

橐籥洪鈞造化鑪  
鳳凰舒翅振山岵  
紅啣旭日朝光爛彩映晴霞  
喜景殊笑指岐陽真咫尺  
臥看丹穴豈崎嶇堯階舜陛占  
儀舞未許雲龍獨躍衢

丁山聳翠插天明  
含翠凝煙百態生  
誰與畫眉拖黛  
綠獨教佩玉映  
蔥珩嵐光最好  
朝來看佳氣九  
宜雨  
後迎錫予台名  
文運啟芙蓉一  
朶碧雲橫

筆架連雲

誰將健筆欲凌雲  
架亦嶙峋入紫氛  
仙掌孤擎光驥  
鬣奇峯高豎氣  
氤氳直連奎斗  
成華蓋祇有天  
孫織錦雲秋日  
登山看雁字不  
妨俯視右將軍

一溪之溪秋練

符江詩存

夫  
石船居輯彙

一波三折帶清溪  
淨影澄光正練  
齊蝌蚪蟲書依  
淺藻芙蓉花樣  
簇長隄紋因風  
過吹重疊綺爲  
晴餘照  
斐縷聞說吳淞  
秋可翦并刀欲  
試板橋西

蕭州書巖夜月

深山岑寂數編書  
桂魄窗前獨映  
渠塵慮不教侵  
卷帙澄懷雅足  
對蟾蜍巧將魄  
影穿蘿壁滿貯  
清光媚  
草廬相顧嬋娟  
吟句好應如綠  
水出芙蓉

榕山聚雪

朔風吹過萬重山  
積雪凝寒玉樹  
環樵徑忽迷惟  
寂



寂鶴巢難覓但般般松髯昨夜驚初白苔髮今朝訴  
已頒欲訪仙蹤何處是前村沽酒叩柴關

魚入龍窩

驪龍睡寤自成窩魚在濠梁樂處多浪捲雷聲催變  
化濤翻珠顆得駢羅光須曜日增奇彩氣卽噓雲釀  
太和出入莫教漁者射巨鰲終許躍滄波

陳覽

一首

字玉光號雲峯家貧喜讀書入庠後授徒四  
方多所成就鄉試十四次乾隆甲寅始中式

符江詩存

七  
石船居輯彙

本省第十七名舉人年已七十五矣明年會  
試後得賜國子監學正銜卒年八十有一

北行道中與楊鱸堂同年夜話

長途跋涉共蹉跎得意如君謂我何放眼常知行處  
樂談心偏在夜閒多已慙衰邁年非少猶耐風霜志  
不磨暫解征鞍還酌酒良宵對月共高歌

羅洪鑄

一首

乾隆乙酉拔貢官榮山教諭遷湖北建始知

縣

貞女趙華蓮未嫁而夫死志不改適卒歸夫家  
撫姪成立守節垂五十年邑侯江夏葉公體  
仁作詩表彰之應教同作

趙女猛烈異尋常不事二夫性自強十年未字服姆  
儀此身既已字王郎王郎慘赴黃泉路甘心命苦稱  
未亡齧指和血寫血書殷勤數語性天儲趨入王家  
持婦道拜謁翁姑守空廬可憐弱髮未笄軀正氣昂  
藏勝丈夫翁姑一見泣如雨女子自矢心如弩數十  
年來比松筠一點貞心直萬古

符江詩存

古

石船居輯彙

羅洪紀一首

文思子附貢生

登寶山行

在瀘洲城西

寶山岷嶠高百丈一坡逶迤極頂上丞相祠堂巋獨  
存竹枝桐幹森羅障樓懸斗大涪翁字升庵先生詩  
曲狀更從門外振衣看拓開眼界如箕放岷江滾滾  
滙沱江北崖東崖骨奇壯烟中鱗次千萬家阿誰繡  
圖工意匠世間不朽是文章我且抗懷吐骯髒雲爲  
墨兮霞丹黃書破青天恣跌宕君不見四香亭子百

尺樓摧殘剝蝕空惆悵又不見宋人鈎畫明人句古  
香綺藻兩不讓堪嗟墓木烏弄吭沒沒無聞徒屬續  
安得卧龍起蒼滌不使石人泣相向

方永昇

一首

從縣志錄出字及履歷均未詳後稅李毛三  
君仿此

爲貞女趙華蓮賦

一緘血信紙猶新不再于歸見性真冷冷冰心驚皓  
魄亭亭玉質鬥蒼筠投繯未遂幽魂願苦志何嫌澈  
符江詩存

石船居輯彙

骨貧料識清操堅似鐵好憑女史著完人

稅

楠一首

爲貞女趙華蓮賦

未及于歸守獨真指天不字度青春心隨化鶴頻添  
淚影對孤燈暗滅神苦志徧能維節義清操自不染  
埃塵從今巾幗傳遺範留得芳名史册新

李樹業

一首

爲貞女趙華蓮賦

幽芳好並玉壺瑩激烈咸知趙女名一片丹心經血

染幾行枯淚傲霜清不甘粉黛思重字願守堅貞寫  
獨盟白髮皤皤人尙在直看正氣耀長庚

毛鳳翊

一首

如垂爲貞女趙華蓮賦

烈女聲名何皎皎青春不字全貞早投纒誓死篤前  
盟柏節松操今已老我聞自古重綱常苦志如斯未

可忘閼來試拈董狐筆傳與千秋作頌揚

趙夙按詩詩皆應葉

侯之教而作同時和者必不乏人縣志所錄尙有方  
永年揚莖金澤并四首殆亦採擇登之者歟惟六詩

已足表彰  
故復節之

符江詩存

三

石船居輯彙

左仕俊

一首

字儀山廩膳生

爲貞女趙華蓮賦

可憐苦烈度芳時萬種愁懷祇自知但願投纒期一  
死何曾對鏡畫雙眉悲號泉路青山冷書寫深閨血  
淚垂五十年來人已老蒼松翠柏共含悲

趙廷策

二首

字雪樵庠生善畫著有汲古軒詩稿生平尤

精考据左目眇觀書數行並下一見不忘號

有書癖手鈔古書至數十卷年五十卒

和邑侯王公游筆架山原韻

采徧菁華綴筆端高歌一曲和皆難氣涵瀑布三千尺才壓芙蓉十二盤自是游仙頗拾翠何妨題壁細磨丹問青得句還浮白大嘯雲臺寺亦寒

九日讌集奎星閣

盼到重陽逸興豪肯因佳節負登高佩萸但有詩悲杜簷菊猶懷酒送陶地不龍山甯落帽人非夢得亦題饅杯銜閣上江天迥坐對西風染彩毫

符江詩存

三 石船居輯彙

曾道醜

一首

字介亭廩膳生幼貧苦力學有文名中年邑令張公金銘禮聘之雖館署中文字外無一語及公私事豪飲喜爲詩尤嗜種菊所居城之南隅矮屋一椽地頗幽靜花時友人常過從飲酒賦詩以爲樂雖貧至不舉火不厭也年六十二卒楊先生致道爲之傳採入縣志

破屋

斗室堪容我飄搖亦任他燈殘憑月照戶白見星過

同處乾坤大獨霑雨露多通天呼吸處相在愧如何  
黃秀和 十九首

字可實號惺菴乾隆己酉舉人選授富順訓

導署羅江教諭生平篤孝友持廉介言動一

以禮法自繩主講鳳儀書院久遠近人士皆

宗之爭從受業岸舍至不能容年七十一卒

入祀鄉賢著有紫芝山房文鈔二卷詩鈔一

卷

三君詠

符江詩存

石船居輯彙

前署令簡玉亭先生

諱昌璘湖南祁陽人由進士海陟吏部考功郎

中庚寅典廣東鄉試以直隸州分發四川個幅無華所至尤加意學校以不得於上官卒

未補缺以終

郎署且難容况作強項令本非百里才實心行實政

軍書日旁午猶為民請命只合監文闈循良未許竟

前山長田碧川先生

諱嘉植陝西臨潼人已丑進士乾隆中邑令

公兆奎延先生主講樂有不倦數年辭去仕至餘杭令以終超瓊按蔣公為渭南人與

先生為同年進士在縣最著聲績除奸剔弊有神君之稱後累升至山西巡撫即為邑士

延明帥亦見其整頓學校之實政矣

諸生如無緣胡爲萬里至文運如將昌胡又中道棄  
經術既湛深德品更純粹簡練爲揣摩薪傳固不墜

前學師王耀東先生

番什那己卯舉人在任十數年以經學課士成

就頗多以終養服闋遂不復出

吾蜀崇經學始自吳白華先生實佐之獮祭卽深誇

三禮與三傳國初諸大家通庠課全讀教澤應無涯

### 耆舊吟十二首

業師左儀山先生仕俊邑諸生

純孝固性生好學亦天授觥觥我夫子模範難再覩

### 符江詩存

三石船居輯彙

今全閩中節又啟後來秀我過西州門愴懷猶如舊

業師賴連俊先生森楠粵東宿儒也

暮年乃游蜀疑是老明經先生笑不答巖巖舊典型

教人讀歸唐從者如晨星著書凡幾種身後恨飄零

符子剛先生健邑諸生

原是門下士况又坐春風豈爲慕帖括孝友亦折衷

籌邊忽捲悵樊道遠從戎蠻煙蒸瘦骨沒亦爲鬼雄

楊先生鎮宿儒也通經義一生不作時文

六經可口授但爲童子師材質剛製就載質任所之

要其止句讀實爲學者基猶憶再拜日凜凜古鬚眉  
明經張虛齋先生其輩

醉人吐車茵或可容年少我醒蹂名園先生付之笑  
况其秉清操齒尊而德邵丰規礪滅明先生白署門聯語也  
門卽憑弔

附貢李時芳先生今輝

性剛而實慈憐才如翼卵終歲關華軒貧士昔曾滿  
最喜稱人長亦不諱人短緩急所時有千金何足算

武庠胡榮光先生清昇

超瓊按胡之弟清晟爲乾隆戊辰武進士

符江詩存

石船居輯彙

宜至廣東惠州營遊擊觀詩所云云是胡之行誼可知是見往時吾邑風俗純厚雖撓強命中之士亦足爲鄉閭表式今則有倚勢爲豪暴凌孤弱者矣

狀貌與才技甯應老諸生公因乃弟貴絕口不談兵  
豪暴凌孤弱侃侃而力爭直道嗟云遠誰堪質厥成  
文學鄢先生鍾霖

飲章莫須有何遽棄青衿又寄雙流籍聲華重藝林  
古奧艱一第針芥本難尋惜不舉鴻博卷阿矢好音

羅國香文學泮

至性如國香偏先溘朝露談經擁皋比恂恂猶孺慕



文必開生面恥學邯鄲步斯人久不作金針誰與度  
曾介亭文學道醅

名士雖不遇館必寄官衙一句僅九食得句猶自誇  
口只談風月美玉本無瑕束脩今何在多付賣酒家

陸岐山文學慘

析箸雖有年兄債已如此以業全償之不謀於妻子  
我作讓產行疑有人濟美迄今二十年對之愧欲死

趙雪樵文學廷策

雪樵無他好人號行秘書邑中諸先達著述無不儲

符江詩存

三石船居輯藁

牙籤千萬軸披覽日遽遽天上應無事或仍校石渠

壺範吟四首

耆儒張盛斯母鄒氏

圍子山下田昔年本華屋行者歎滄桑此中有賢淑  
三世多喪亡大壽苦無福德在陶柳間清風起修竹

廩生左仕俊繼妻陳氏

吾師捐館日堂上有雙親遺孤纔襁褓都付未亡人  
今子又生孫祖武且能繩推原皆母教鵠嘯四十春

黃奔鎮妻張氏

節烈本天生所知惟大義嗟我族嬖張履境少平易  
衰姑與藐孤慈孝良兼備欲對泉下人相看雨無愧

包貞女

終身不字難况乎甘窮餓嗟嗟包貞女字楊遭折挫  
心許泉下人北宮可遙和華髮仍未笄何傷賢者過

彭第臣

李

乾隆壬子副榜嘉慶甲子舉人

百丹遊筆架山和王明府原韻

三峯突峙插雲端翹首登臨豈畏難四面岡巒如虎

符江詩存

三

石船居輯藁

伏雨江波浪似龍盤層崖月映觀心洞絕頂霞烘晒  
石丹節近中秋同覽勝桂香花裏惹輕寒

李梅

七首

字豸山武庠生以征苗匪功授碁江把總不

數年告歸築梅園於所居之父角岩徜徉其

中時招文士讌游相唱和性豪宕慷慨好施

與富順諸生李澄齋者名榮恩喜爲詩而縱

酒落拓不事生產遂以大冢山與晤於成

蒲然大都一語大懽卽相攜至合江且與登山臨水

飲酒賦詩爲樂且迎其妻孥至割宅居之歷  
十數年溼齋死葬之毘盧寺外爲表其墓當  
是時豸山之名聞遠近造訪者無虛日儼然  
應接不倦後以壽終所爲詩曰武夫草草本  
慧爲之序綦江縣志多載之近年吾友華陽  
王增祺樵也刻詩緣十卷於韓城亦登一絕  
并錄其佳句如遠水平疇淨疎星大塊明酒  
熟頻翻高士傳詩成每聽矮童歌柔艣數聲  
何處雁清商一拍座中絃無復驅車過楚塞

符江詩存

三 石船居輯彙

也來牧馬向江干四聯樵也謂其雖未媿迹  
蛩吟薑園亦赴桓之秀也 超瓊按豸山以  
武人能詩而能急流勇退又矯矯著風義實  
爲難得吾邑志于其事迹乃皆闕如僅載揚  
學師致道游梅園記一篇其詩草至今猶有  
存焉者否亦不可知豸山之族居南鄉如三  
塊石曲尺子九條龍諸地聞皆易主尤衰落  
可念嘉慶癸酉拔貢儀隴教諭名光鼎者邑  
人稱爲雲波先生其子廩生暄遭酷吏之禍

至今人猶寃之近年其曾孫瑞麟亦已游庠  
不知其家與豸山親疏何若遺詩猶得見一  
二否也

軍中歲暮

萬幕屯王師南征歲暮時劍橫邊月令鼓打朔風悲  
淚凍征衣結囊空戰馬疲溪蠻今欲撫誰是白毫眉

秋日雨中追賊

行營鼓角動秋風月黑連山賊火紅夜半人人驚不  
寐滿天霜露擁刀弓

符江詩序

秋柳

婆娑病態老餘顛張緒風流信可傳漢苑從來春寂  
寂隋堤曾見月娟娟蕭疏驛路郵亭馬斷續人家村  
落蟬又是深閨愁到眼寒鴉點點雁橫天

梅花

宜雲宜雨更宜煙冷豔妝成釀雪天庾嶺僧歸曾幾  
日羅浮夢斷又經年無多知己林和靖有分詩人孟  
浩然我亦騎驢吟不得誰家弄笛短籬前

花朝前一日喜澄齋重返舊莊

竹笑緣何至春光共水流日曾遺我愛月也爲人留  
此地傾樽後來朝撲蝶秋青琅玕館外齊唱大刀頭  
夜宿西禪院

駐馬西禪院禪房景自賒一堂森佛像四壁挂袈裟  
繞砌長生藥沿堦不老花山僧勤課誦深夜聽南華  
輓乃爾山人李澄齋

符陽仙客兩人耳前有劉珍今乃爾昨聞蹣跚荷雙  
屣埋骨竟在江之浹况與洞賓室甚邇自然詩酒常  
於此少岷山高白雲時大涉灤洄綠波水君心安貼  
符江詩存

无  
石船居輯藁

我心喜從此詩人長不死

昆盧寺東爲洞真  
右有呂祖石像

黃韜文

六首

秀和仲子字月樵號練溪嘉慶辛酉拔貢官  
彭水教諭薦卓異引 見以知縣用先後丁  
父母憂廬墓哀毀以卒年僅四十有九人咸  
惜之著有石漁詩集

感舊絕句

十首 錄六

李時芳先生今輝

清議如同玉尺量肯將直道付滄浪九龍山下兼葭

岸猶聽人思王彥方

朱葉村先生雲駟

金匱人倚寓吾邑僧舍一十餘年以卒生平上詩善

畫有潔癖寡交游以蒔花種竹爲事焚香掃地泃如也

前輩忘年倒屣迎深慙舞鶴誤先生榻前握手留詩  
卷策勵甯徒身後名

陸岐山先生嶮

蕭然讓產不言貧友愛原無第二人欲挽頽波敦雁  
序鶯聲花底總聞聞

曾介亭先生道醕

符江詩存

三 石船居輯彙

飲醕不讓淵明達涉世爭傳柳下和介節高風今已  
渺城南秋菊近如何

劉耀南先生之杞邑諸生

頻年相見亦恂恂雅度汪洋絕渭涇訪舊重來尋巷  
口不聞劉向再傳經

熊楚材先生開運邑諸生善書

獨立雞羣海鶴姿才人原自不趨時小橋流水斜陽  
外歐柳眞行覓斷碑

羅廷翼

一首

道光六年歲貢署廬山西充訓導

為包貞女賦

虛度青春亦可憐芳名直繼趙華蓮施槃豈竟違三  
命不字何曾計十年隻影愁添孀母淚孤闈夢入夜  
郎天已知正氣能扶立載筆重修女史編

鄒輝榮

縣學廩膳生為包貞女賦

未曾結配亦傷情人在孤闈淚暗傾白髮自堪持晚  
節青春何忍背前盟西山落月淒涼景東壁餘光紡

符江詩存

三石船居輯彙

績聲畢世貞操誰竟似好憑邑乘箸完名

王學淳

字樂山道光十八年歲貢註選訓導 超瓊

謹按先生學行清粹以能詩古文名著作頗

富授經數十年及門者以百數一時造就宏

多先府君嘗從之游惜先生遺文久散失僅

邑志載有數篇如史壩南岸石刻記斷碑記

諸作於吾邑徵文考獻均有關繫詩則僅此

一章由吾舅氏所藏先世遺圖中錄出吉光

片羽固鄉里後生所宜珍重者矣

題松陰送別圖

并序

勉齋黃太夫子閩人入蜀時與兩兄別於松  
下其後兩兄每思弟輒至松前悵望至於泣  
下松本三株久之竟合而爲一遠望則猶三  
也太夫子在蜀數十年不克歸長嗣君惺菴  
夫子中己酉鄉榜太夫子囑他日必歸省祖  
墓甲戌夫子攜姪秋鶚執中至閩奉祀乃至  
松下命工圖之返蜀秋鶚以示滄爰題其上

符江詩存

云

三石船居輯彙

佳哉鬱鬱三喬松當年送別松陰中松前一去不復  
返年年望眼隨秋鴻別者何人思不置有弟萬里遊  
蠶叢吾弟平生有遠志不甘株守同老農一朝投筆  
長太息丈夫何獨推陶公登堂辭兄去不顧吳山楚  
水踰千重客旅飄飄嗟隻影予懷戚戚悲行蹤年去  
年來思未見兩地祇有魚書通始言蜀地居奇好范  
蠡累粟常千鍾繼聞中饋已有主謹求德曜事梁鴻  
更奉多金遠遺致聊當伯仲菽水供黃金雖有不足



重如何得見阿弟容每到松間一悵望不覺老眼淚  
橫縱昔時離別松猶小而今長大逾葱蘢霜皮黛色  
已如此行人當亦成老翁我心悽惻松能鑒我情惟  
有訴西風昨日買舶附書至此書予季親緘封上言  
異地相思苦下言自愛加飧糗身非不歸歸未得陟  
岡瞻望心忡忡膝前有子頗能讀昨中秋榜來蟾宮  
幸賴先人遠澤庇他時應遣來甌東手足情長年苦  
短此日安得重相逢天涯地角永相隔別恨茫茫甯  
有終後人圖出當時事猶令見者淚雙瞳老松直作  
符江詩存

三石船居輯彙

甘棠愛子孫過者容必恭

陳朝陛 三首

字竹溪世居邑東下匯獅子山廩膳生應道

光二十六年歲貢註選訓導 超瓊按先生

性行純粹鄉里奉爲人師先府君亦嘗從之

游其行誼則超瓊已畧載符江耆舊傳中先

生之父諱汝蘭字香亭亦諸生里人尤推長

者塾江李西漚先生惺嘗爲作墓碑採入邑

春江晚步

看花穿過白雲灣物態人情兩放閒一葉漁舟浮綠  
水幾家茅屋結青山清風隔岸如迎客明月前溪欲  
上關渡口買魚歸去好沙鷗拍拍亦知還

漁翁

江上老漁翁沿江下釣簫撥雲三尺槳泛月一竿風  
沽酒有時去得魚無意中偶隨流水唱浩浩覺天空

贈李昆生

含英

十年長劍兩人磨一隊如提殺賊戈氣奮元龍湖海

符江詩存

石船居輯彙

大才奇長吉鬼神多聰明擬就千秋業姿度宜觀萬  
頃波解得相知應解愛齊名原不係登科

陳朝瓊

十四首

朝陞弟字梅溪道光乙酉拔貢註選教諭

超瓊按先生少負文名與瀘州李昆生含英

江津楊卧雲疊均以詞賦爲學使聶公銑敏

吳公傑所甄賞然三人者皆僅一登拔萃浮

湛里巷以終至今人猶惜之兒時聞先生族

子某言先生弱冠病痺臥疾二年乃起枕上

取康熙字典讀之終身不忘一字他書亦類  
能過目成誦其穎悟殆負異稟者歟又云其  
著述甚富雖所居距吾家僅數里固未及一  
見也

題潘惺齋少府秋窗話舊圖

滬濱城邊有舊廬滿窗梧竹影蕭疏別來無限秋滋  
味只恐丹青畫不如

風懷想見舉家清話到鄉園便有情拋卻西窗舊松  
竹翻來畫裏聽秋聲

符江詩存

三 石船居輯彙

養拙

已慣謀生拙愁空夢轉安一囊方朔米二寸杜欽冠  
月好收鐙坐庭虛借竹看莫嫌衾似鐵風骨本清寒

項羽

少年書劍苦恩恩叱咤風雲百戰空死有頭顱行地  
上生無面目返江東河山枉自窺秦帝樽酒安能殺  
沛公贏得千秋雨行淚美人名馬說英雄

桓温

從古英雄自有真天生奇骨本嶙峋早逢温嶠知英

物長對王敦歎可人落帽解容名士醉拔刀難免阿  
妻嗔霸圖銷歇空遺恨衰柳臨風淚滿巾

再過西村田舍

舊識西村路行行愛夕陽綠蔬三畝宅烏桕半林霜

病蝶穿籬怯枯蟬抱葉僵野人雞黍足一醉是吾鄉

雪中與友人作消寒集

客來強半挾豐貂如此奇寒作底消風色地爐殘櫓

樵雪聲山館舊芭蕉詩催白戰頻呵管酒到青州已

挂瓢輪與盆梅能耐冷一痕先自透紅潮

符江詩存

姜石船居輯彙

題南將軍廟

風捲長淮咽鼓鞞將軍匹馬獨乘危眼看半壁餘殘

卒身蹈強鄰爲乞師幾日樽前揮血淚一聲刀下喚

男兒我來黑夜依公宿煙雨迷離閃畫旗

雜感四首

拍徧闌干喚奈何側身天地獨悲歌尊前樂府壯心

在肘後離騷幽怨多幾輩英雄餘老馬千秋粉黛妬

新蛾扁舟儻遂鳴夷願煙水微茫隱釣蓑

迴首都門感壯游初春作客及中秋三千里路縈鄉

夢廿四年人動旅愁尙憶看書懸犢角偏教獻賦到  
螭頭承平想是無封事具草何須薦馬周  
楚豫迢迢路欲迷記曾萍梗泛東西千金劇孟腰間  
劍五夜劉琨枕上鷄詩入幽并不多俠氣馬經燕趙作  
長嘶歸途更歷秦關險并擲行囊付小溪  
莫輕彈我竹皮冠想到功名兩字難當代人才原有  
數此身歌哭太無端世將片石留羊傅天爲蒼生起  
謝安從古英流知已重且翻青史破愁看

排悶

符江詩存

三 石船居輯彙

龍伯歸來罷釣鰲投竿東海首頻搔早知得鹿空成  
夢何事亡羊更補牢姑妄言之聊說鬼未能遣此且  
歌騷如今兀坐孤燈畔萬壑秋風起怒濤  
記曾聊步上天梯一跌真教悔噬臍遲我十年書再  
讀避君三舍管重攜矇矓久笑羊公鶴膺膊空驚越  
石雞賸有奇愁銷不盡燈前猶吐氣如霓

題村落小景圖

矮屋如瓢枕水光筇屨藤杖野人裝一圍籬落柴門  
小薺菜花邊話夕陽

黃希文

十二首

字雲海一字雲門布衣超瓊按先生爲鄉

賢惺黃公猶子行十二於吾外祖父爲從父

兄弟生平勤學無所成習申韓術亦不遇喜

吟詠無子而卒遺詩故不存許立三廣文志

安嘗手鈔一冊亦僅數十首今藏丹甫舅氏

家近以見寄故爲摘錄如左

自嶺山居春興

深山茂樹鳥鳴嚶鎮日憑欄寄遠情曲澗春深添水

符江詩存

石船居輯彙

色石牀花落動琴聲勞形事少心常快得意詩多境

自清數盡更籌眠不穩幽懷如草雨中生

重游青谿訪鶴清上人

乳燕貪飛影乍低鳴鳩相逐子規嗁夜來微雨溼三

徑今日好花開一溪好放野航尋舊約莫教沙鷁歎

孤栖別余應是淒涼甚看爾芒鞋未著泥

冬夜憶弟

夜遙人靜雨聲殘獨坐無人淚似湍昨日看雲憐我

瘦今宵對月畏霜寒長悲荆樹心同死縱伴梅花影

亦單記得前春詩酒夕有人隨我倚闌干  
此恨懸懸不可除驚回冷夢向誰呼一番世事如醒  
醉十數年間忽有無滿案文章嫌冷落對牀風雨認  
模糊化成血淚皆詩句鐙影淒淒逼絳幘

涇南別孫四

談心累日喜開顏才說離懷淚自潛別我莫忘詩外  
事訪君疑在畫中山聽來絮語情難割交到萍蹤夢  
亦艱共買涇南春數斗舉杯各向翠微間

舟夜

符江詩存

堯 石船居輯彙

長笛聲聲入翠微看山小坐露沾衣白雲歸去聞於  
鶴住在峯頭不肯飛

龍山臥雲樓

山擁岑樓萬壑圍憑欄日落見僧歸有時衣上白雲  
滿疑在峯頭鶴際飛

送譚思齋赴都

驪歌聽一曲陰雨溼星輶遊子何時到秋山萬里遙  
停雲人不見落葉馬蕭蕭回首銷魂處寒煙罩板橋

長至旅懷

旅館蕭條木枯寒  
鐙明滅月模糊  
窮愁道我非長策  
名利勞人少坦途  
永夜思家千里隔  
頻年作客一身孤  
鄉園此日應風雪  
可有梅花寄到無

登法王寺絕頂

西風吹我上蓬瀛  
插漢高峯步履輕  
滄海有時成沼沚  
白雲無數似逢迎  
訪僧人去山如削  
呈佛詩來鬼亦驚  
長嘯無羈天宇闊  
倚樓高唱和秋聲

送王星岩歸里

旅館寒生被未溫  
夜深風雨不堪聞  
人如春去秋來

符江詩存

卑石船居輯稟

燕心似朝飛暮捲雲  
萬事豈能無定分  
丈夫何用惜離羣  
明年綠水桃花路  
楊柳依依正憶君

芙蓉詞

芙蓉不及美人粧  
美人那得芙蓉好  
前日芙蓉今日開  
今日美人明日老  
美人老去朱樓空  
芙蓉依舊笑西風  
願將滴淚成江水  
與郎共化芙蓉藥

李光祜

十八首

門下晚學生元和潘昌煦填聲

先君字賴先又字霽嵐積學不遇行誼載縣志及家譜生平所爲詩文皆未存稿歿後超



瓊管搜輯手錄亦僅得十數篇可存者固不  
盡此也手澤散佚繫維不肖之罪錄此曷禁

泫然男超曠謹誌

夏日晚步

林於透夕陽野岸接青蒼水聲新溜亂竹葉嫩痕涼  
山遠排尖突塍環護短長農人歸荷鍤相語戀晴光

上已後六日以菊種送安溪舅氏賸之以詩超瓊

按安溪先生陳氏諱文思瀘州庠生為先大母之弟時授徒蒼寶山

一枝分作數枝栽都自殷勤灌溉來料得清秋供醉

符江詩存  
望 石船居輯彙

眼黃金無限為君開

異種奇葩辨偽真滋培好借十分春秋英滿架書帷

做定有新詩妙入神

名花位置稱名山若箇因緣未等閑到此秋容彌見

淡洞天清俱別人間

此去分秧認未真花時相見倍相親酒瓶約倒秋風

裏僭擬襄陽過故人

採芳歌

城隅彼姝愛採花晨起不惜侵露華白薄輕衫髻挽

鴉紅錦纏頭爛若霞隨風趁蝶最天斜東園盈把西  
還家清揚婉兮洵匪誇姿標綽約瑜無瑕丰致翩翩  
笑語譁怪儂一見長咄嗟何緣化被江之涯

書懷

氣運匪蕭條萬事偏拂意兀兀自窮年啼噓百感至  
盜賊滿江湖寇攘兼胥吏鄰里挾機心飢鷹常側翅  
上下利交征天地心厭棄江南山亂崩螟蝻千里蔽  
奈何彼不知昏昏終日醉如此負聖明哀哉我族類

初冬偶成

符江詩存

石船居輯橐

料峭寒風勢欲狂及時細雨徧江鄉水邊籬落梅初  
放願掃陰霾愛日長

山居卽景

家在葫蘆匯水間周圍碧玉浪花環少岷當戶分丁  
翠大字依廬合乙灣北砦山高爲後倚西涼灘響聽  
幽潺農夫牧子漁樵唱畫景春秋色滿山

超瓊按大  
字灣吾家

土名也後逸居八  
詠卽宅左右之景

逸居八詠

金雞三唱曉雲排瑞日曠曠樹色佳不霧不煙浮瘦

葉宜濃宜淡膩輕斂梅花豔觀銀堆嶺竹露痕圓粉  
滴階乍啟柴門原上望幽光直欲到書齋

松巒朝齋

萬山羅列一坪鋪豁眼清宵月色俱漢外星辰看冷

落林端燈火散模糊聞聲野鶴歸巢遠過影秋鴻出

塞孤光射巖呵同朗澈高人到此總踟躕

高坪夜初

滿林篠蕩日西斜紫翠琅玕半塢遮葉葉綠痕微帶

酒枝枝紅影欲流霞解醒直待清宵露醒眼能看媚

曉花春去秋來酣暮景萬千竿上碧無瑕

琅玕醉日

鷗汀鷺嶼豈能如田水依依四面舒時去野人肩荷

### 符江詩存

豐石船居輯彙

鋪偶來江鷓眼窺魚霜翎數點依青蘚螺黛一團漾

碧渠林外長鳴天上應此聲真在九皋餘

鶴山西峙

豈祇蘭成有賦題小園真箇得幽栖杏花開後紅侵

甲梅子黃時綠滿畦秋末晚菘饒玉齒冬溫寒菜釋

霜臍一年此地供儒素不飽膏粱飽藜藿

小園四序

荒井淪東已有年重開生面古塍邊迷離雲影澄波

活斑駁苔花曲岸綠旭日欄餘桃帶露斜陽石上暮

凝煙何須別更尋香釀式飲應將水底眠

赤井升霞

玉花鄉裏舊村名古石如船春水生剗木以前開巧

製補天應自有形成桃紅徧漲長偃岸草碧空波未  
倚城白米洞邊漁子問通津從此最分明

石船春水

金穰萬斛布黃雲石壩秋來聚不分朝旭疇平浮郁  
郁夕陽高下列紛紛連槐一色幾成市舂米三錢信  
有文閔步稻孫樓外望鎌腰月白伴苔紋

黃雲秋聚

詩成再占四語

自將山水裁詩料誰似輕狂抗古人天地有形皆是  
道風雲變態亦難真

李光澈

一首

符江詩存

四

石船居輔橐

字自暄號字軒附貢生 超瓊謹按先生於

先府君爲同高祖兄弟蚤歲游學江津文名

頗噪嗣以邑事羈迹成都者累年非其志也

行誼備載吾族譜家傳中其生平詩文不自

收拾無一存者此首乃同客省垣除夕見示

之作故至今猶憶及而錄之

己巳除夕成都旅次示族子紫璫

人家兒女團圓樂客裏淒涼感慨多此地今宵心若

此故園明日恨如何

陳本植

一首

字珠樹號海珊同治甲子帶補辛酉科本省  
舉大官至二品銜奉天東邊兵備道 超瓊

按海珊世居南鄉白鹿支之王場少年貧甚  
家徒壁立然負奇氣有大志爲諸生以戊午

房薦出南溪令前滇撫畢節唐公鄂生

門招佐書記滇匪天蜀唐戰績最著海珊實

左右之以勞績出教官保縣令戴藍翎甲子

舉孝廉乙丑會試後留京以舉人揀發熱河

符江詩存

墨

石船居輯橐

知縣署建昌朝陽補豐甯復調朝陽以擒大

盜王江王海功升知府換花翎歸保定候補

光緒紀元文勤公崇實以刑部尙書爲奉天

欽差署盛京將軍奏調海珊以行派充全營

翼長率師搗獍子窩大東溝各賊巢馬賊高

希殄未匪宋三好等皆積年巨寇數月悉蕩

平之斬馘二千餘人解散者以數萬計保升

道員加二品銜旋奉總辦邊務之命東邊者

鳳凰驪陽城廩旺清四邊門外之地也東濱

鳴綠江北緣長自山麓上下延長二千數百  
里寬或四百里百餘里不等初以地接朝鮮  
悉封禁派兵駐台稽查而自道咸以來流民  
潛入私墾日益滋盛官吏始相容隱漸以利  
藪視之而奸徒竄伏其中亦結黨狡抗爭強  
噬弱稔惡有年匪黨既平羣情洶洶以驅逐  
爲懼文勤奏請弛禁主於化私爲官化盜爲  
良而一以委之海珊乃分段丈量地畝普律  
升科輕定課則酌徵稅釐其餘地仍招徠墾

符江詩存

吳

石船居輯彙

關先後四年計得地一百八十餘萬畝於上  
游設通化懷仁二縣改興京通判爲撫民同  
知以轄之下游設安東寬甸二縣并改近邊  
之岫巖通判爲知州而設鳳凰直隸同知以  
轄之又因地面遼闊於柳樹河長甸則置兩  
縣丞於帽兒山通溝曰四平街三龍渡賽馬  
集大孤山則置六巡檢以爲分防合廳州縣  
七胥統於道創建城垣衙署立學校開市廛  
募練靖邊馬步五營分布巡緝增築營壘修

造戰船以爲水陸之備其龍岡以北於大圍  
場外又特設海龍通判一員以治之四年北  
月凱獲盜賊以獻其勳文報續朝野類事  
將旨補授東邊兵備道歷任將軍府尹亦傾  
誠任之甚見倚重海珊益自奮厲規畫周密  
皆爲久遠之謀旣捐廉倡建學宮書院延名  
師以課多士復購經史子集萬餘卷存之院  
中以備借讀而於元年以來軍需所用諸款  
皆由邊地籌劃歸還不使費內地一錢以符

符江詩存

聖

石船居輯彙

邊外所出卽供邊外之用之奏其歲入地  
外有水稅葦稅山貨稅糧稅等項詎以支放  
城垣衙署營壘各工程經費外自是按年應  
給練軍月餼官吏廉俸役食皆於是乎取之  
爲數計十餘萬金漸有儲積蓋昔之荒穢萊  
汗爲奸盜逋逃藪者至此一變而爲富庶之  
區禮教之域以視原傑之於鄖陽傳籍之於  
辰沅其功實足媲之時俄人於墮春以北極  
力經營倭人則注意朝鮮計尤叵測海珊憂

之營條陳黑龍江邊防事宜擬請廣募屯田  
以爲之備而於朝鮮情勢尤加意偵察知其  
民心不靖倭患將作也復條上預籌保護東  
藩一疏請早派勁旅於該國要害諸地扼守  
駐紮陽以示彈壓陰以戢倭奴窺伺之萌而  
尤必令其君臣改革秕政屏鋤奸黨以正根  
本收天心毋使外人有所藉口且當酌量協  
濟庶不至以貸債於倭受其脅制詞意迫切  
將軍宗室岐公元爲之代奏得 旨 是 以 奏 存

符江詩存

吳

石船居帽臺

旨交禮部北洋會議乃以先事張皇見駭卒  
不果行越二年壬午鮮民果煽變殺日本公  
使致肇衅端吳軍門長慶雖往定之而挾其  
大院君以來拘之數年乃釋禍機自是益深  
至甲午而遂有割遼棄台之事遼境雖卒歸  
我而後患方長識者皆怒然以爲深憂而海  
珊已不及見矣追維東事始末誰復念曲突  
徙薪之善哉當壬午鮮亂旣息北洋議與該  
國改定陸路通商章程將軍公崇綺復以委



之海珊與鮮使魚允中會於九連誠請允中  
實與其黨潛附於倭且先赴北洋致其箠鼓  
若隱有所恃不欲執陪臣禮海珊一以大義  
折之嘗面斥其不當背主負恩自蹈不韙允  
中惶悚汗下所議雖寬予優恤而力持大體  
桂其邪心允中卒屈服悉就範圍議既上經  
部覆核照行遂有監督之命而禍起矣朝鮮  
通商向在鳳凰邊門歲以一二兩月爲期每次  
必三閱月乃卒事由盛京五部司員爲督理

符江詩存

吳石船居輯彙

鮮人所費不訾而稅額則傳聞僅三千餘金  
官吏兵役倚以爲利者實繁有徒章旣改海  
珊知必叢謗集怨而義不可辭癸未十一月  
遵旨開關匝月遂解交戶部稅銀萬數千兩  
而旬日前已爲言者糾劾所列款皆未開邊  
時馬賊木匪所以虐害邊民之事一移而加  
之於道員冢宰徐公桐司寇薛公允并銜  
命查辦檄解任赴省適海珊已於冬初積勞  
成嗽漸且咯血藥又失宜遂成重病至是則

憤悲交集益不可支徐薛二公既按款查訊

皆屬虛誣惟以買空賣空罰治藥大昌一案

為不協于例請飭回任交議并言其治邊之

功甚偉實任重致遠之器而海珊已不起矣

變一觀悲哉其生平所為文字才氣奔放者多然不

自言自收拾鮮有存者公牘尤其所長繩繩千

百言洞晰事理曲折中肯要於詩則頗不

經意往往酒酣耳熱十數首援筆立成超瓊

相從東徼時數有倡和之什間亦手寫舊作

符江詩存 手 石船居帽橐

見示今皆無有也故僅錄一首而著其事畧

如此

登白帝城遠眺遂謁武侯祠堂題壁

亂山橫鎖水爭流絕頂登臨故國秋萬里烽煙吳楚

變一腔心事古今愁高歌獨唱江東去要隘誰爭地

上游昭烈倘知王濬策樓船何止復荊州超瓊按此詩為丁丑

四月海珊為余書扇所錄者其時同在寬甸為述係其投戎湖北不遇而歸過夔所作其年月則今不能

訛燬也海珊並言作詩時欲練水師以制賊故後數句及之而胡曾二公果以此成大功固笑謂英雄所

見大抵畧同者如此今并誌之猶惘然憶其意態也

劉 莖 一首

字周學廩貢生候選縣丞

呈邑侯高秀東先生

以莊園十韻卽以送別

仕版傳循吏儒林仰俊豪臨歧供祖帳前席挽征袍  
霏雪來何暮瞻雲快所遭兩川蜚駿譽百里試牛刀  
府牒移胸臆符江駐節旄庇棠規政績飲水厲清操  
戩穀民思善郇苗澤沛膏呼庚天意轉保甲盜踪逃  
朗澈堂懸鏡寬閒鼓息馨掩轂曾北郭勸稼又東臯  
淫蕩防滋蔓纖微計索絢課功行補助矢志戒貪饕

符江詩存

三

石船居輯彙

蝟巢才原大絲棼氣不撓治行徵速化餘力育時髦  
理窟窮穿穴經郭貴枕糟藻宜書味飢茶待禮耕疇  
心矩同衡石辭源壯海濤遵塗瞻馬首析義入牛毛  
慧啟泉初達思抽緒可縑道腴探秘要藝圃快翔翱  
追琢蒙攻玉沈酣想醉醪幾經標月旦兼爲振風騷  
玉尺煩公鑒金鍼度我曹撚髭憑著手換骨屢拈毫  
剖白雙聲辨垂青一字褒塵迷開霧障宮徵協雲璈  
正擬賡鳴鳳相期策巨鼇如何情乍慰翻觸首頻搔  
懷德人攀轍交綏士解鞶鋤強宜拔薤嘉績負投桃

半載遷流易兼旬撫輯勞黨庠成法在井里拜恩叨  
鴻渚思姬且蟬綏頌子羔草榮春暫過波淨月空撈  
未免櫻投杼無煩憾補牢名言資菽粟至愛及蓬蒿  
孰雉剛懷刺鞞鷹孰解條少岷巖可勒巴國浪休淘  
盆覆終能照絃張或更挑歛歛成別調誰繼使君高  
劉李敬魁 一首 五言

水口祠小憩口占

符江詩存  
之其尊人香亭丈諱清成里中推長者其行

誼余皆載之符江耆舊傳中洵鄉閭楷式也

水口祠小憩口占  
兄弟相攜負笈行春風拂面四山晴榕陰小坐渾忘

倦爲聽流泉心更清  
祠在白沙鎮上數里俗所謂天  
墮也此詩爲同治癸亥正月作

勝花村循其弟敬星慶雲及余同赴太平山寺從王  
清源先生寅亮讀中途憩此口占一絕余亦會和之  
今忽忽三十四年矣花村兄弟皆下世王先生  
亦及歸道山憶此乃猶若昨日事良用悵然

蔣肇齡 三十八首

字光廷更字伯遐又號又霞山人廩貢生選  
授雲南嶺縣知縣署馬龍州知州 超瓊

按伯遐負才不羈爲諸生以詩古受知於南  
皮張香濤制府調取尊經書院充高才生由  
是蹤跡遂徧四方及官雲南僅攝馬龍四十  
日聞訃奔母喪繼而走越南客東粵游瓊儋  
轉徙滬上沙市卒死京師中年留心洋務討  
論不留餘力終未得一展所蘊著有邊海鏡  
原十卷練武新圖邊備九籌瘴書古地今釋  
各種亦多遺失尤喜爲詩與涪州鄒迪侑孝  
廉增吉資州廖叔瑤中翰光相唱和最洽爲

符江詩存

石船居輯彙

今粵撫許仙屏中丞振禕所契賞歿後其宗  
人達軒中翰茂璧由京以其遺稿寄余僅有  
簡嬉堂第七册一卷其前六册則未之見又  
錦里百花詩上下卷德清俞太史樾有序較  
完整外有萬言策及雜文章稿皆不盡可辨  
今暫爲收存歸時當付其家俾他日可以彙  
刻其生平志事蹤跡余已別爲之傳云

花渡頭

故人家在珠江南燕子雙飛咫尺緘蠻女鳴榔將客

去晚潮初上白鷺潭

編鑿土田德將高燦

與左笏卿比部

紹在

侘城話別

別離尊酒越王城

見慣風波海上行

書畫壓船新摧

稅烽煙防壘又增兵

洪濤日漲滔天勢

寶劍時聞斫

地聲招我不來麾

不去此心難剖

是忠貞

秦關壽馮軍門子材七秩

冠冕天南擁節旄

稱觥人仰壽星高

古稀將帥熙朝

瑞崛起英雄一世豪

名勒燕然助伐在

心懸象闕夢

魂勞蒸蒸上國雲

彥鳩杖仍扶舊戰袍

符江詩存

河鼓星躔上將明

終童任俠萬人英

軍書恥錄灌夫

勇壘詔優褒奉世名

容果能乎先市義

公真健者敢

言兵江南舊事陶

經畧手捧霞觴問老成

秦隴西涼地勢雄

節樓開鎮大元戎

會鎮涼州

關南頽卒

歸周處河右諸軍

奉寶融貳膳蘭儀

珠樹綠肆筵燭

影劍花紅玉門關

外依依柳遺愛猶

思宋國公

西賊聞名怯范韓

手持龍節又登壇

三軍日恃神靈

護百里雷驚鬼膽

寒炸彈開花轟絕

漠圍棋賭酒奪

南關頻來躍馬人

相識塞上民壽游

寓歡

督辦越法邊防

巉巖壁壘控朱鳶島寇何妨數萬千兩字連和輪象  
郡四朝藩輔哭龍編青宮保傳新承救屬國將軍久  
護邊大樹風威春不老漆園書紀古椿年

頻年節鉞治哮黎百仞瓊臺舞白題跨海爲民除害  
馬蒐山殲虜燭靈犀九光英蕩敷文命一勾廉泉化  
武谿五指峯高何所有巨靈伸掌獻金卮

臥彪旗鼓障家鄉揚溢威名滿大荒十萬青山三不  
要五千鐵騎一能當利興屯壘海忠介身繫安危斛  
律光閩闕未矜鄉里貴延齡朋酒話家常

符江詩存

石船居輯彙

藥籠微物儘搜羅祝嘏新詞雜凱歌吉甫清風文武

憲汾陽福澤子孫多南天列戍增金馬

新授雲南提督

北海

華筵燦碧螺準備三千銀鏤管期頤作頌頌卷阿不

炎

灤香港

炎

關分南北駛樓船互市重開四十午萬里流沙攢海  
曲三環煙水抱天圓鐙球電起催殘日艇屋潮平盪  
晚煙浪擲金錢不辭醉紛續珠翠落尊前

黃葉微風海市游紅香鑪嶺動高秋

香港舊名紅香鑪山

地無

材木山容瘦路挾波濤海氣愁四面舟航帆入浦幾

層歌管水明樓初來客懼馮夷鼓虎跳門前夕照收  
元日雪牕試筆

十二鐘鳴客歲闌天雞高唱舞金鸞雪花六出豐年  
瑞詩草雙箋至寶丹別淚暗垂銀蠟燼凍雲陰福玉  
驪寒屠麻已醉鄰家釀綠韭紅椒強自歡

蜀山歸夢遶桑麻既別何須苦憶家天外電絲飛錦  
字江南霜氣鍊梅花玉樓紅杏人呼酒金鑄黃柑客  
餉茶昨夜東風今日雪驕驕趨附阿香車

符江詩存

美石船居輯彙

種桑成畝柳成圍溪上人家晝掩扉寂寞草亭風乍  
起茅龍欹水破煙飛

草屋縱橫竹數竿隔溪人語晚風寒偶因篙立成句  
股測算橋弦丈二寬  
河莊小泊

毘陵分水汶百里晚晴天碎石魚蝦路鬆沙葦薺用  
兒童書句讀鸞鴨陣方圓窄岸有高阜登臨獨騷然

宿宜興

江南隨處有詩題又見花枝照水齊跨澗關門容艇



小隔湖山勢壓城低蒹葭露白三叉港闌鐙紅一  
字襍明月匆匆人散亂買魚沽酒過橋西

寄舟夜歸

孤客扁舟一葉輕晚來颯起問潮生空江瞰月流人  
影落木聽霜數雁聲行篋袖珍書幾卷成樓鉦鼓夜  
三更此游似與鷗相約曉出蘆花報水晴

畫舫

畫舫搖風出水城姑蘇無處不春晴青萍乍合饒歌

笑乳燕重逢識姓名書畫癖深寒士累錢糧額足長

符江詩存

毛

石船居輯彙

官清年來未解烟花劫底事蘘麻草又生  
近泛春江遠望湖曉晴佳氣滿平蕪多情芳草風初  
動有骨梅花雪漸枯酒入巨觥分伯仲棋觀終局定  
羸輸虎邱何事多啼鳥此地曾經葬闔閭

晚泊

晚泊楓橋曳短篷桃花春漲認游蹤勞人莫問寒山  
寺叵耐愁聽半夜鐘

三夜泊胥門

試燈颯起熒星搖彼岸帆檣落晚潮曼衍魚龍人盡

樂春旂紅過萬年橋  
高貴取人衣猶失

鯉魚風起送歸橈  
十二圩環廿四橋  
竹葉青浮今日  
酒蓼花紅落去年  
潮海山富國資陳  
恕菽粟仁民望  
柏招虹口外陽京  
口月江南秋樹莽  
蕭蕭  
台鼎公卿盡識韓  
賢能事業不卑官  
瘡痍切已同疴  
癢花月隨緣結喜  
歡十詠一觴嫌日  
短宜晴宜雨作  
天難泥塗送別增  
惆悵珍重巖更屨  
氣寒

符江詩存

石船居輯

四十無聞五十何  
數年假我復蹉跎  
此復官形似拖腸  
鼠異地人疑腫背  
駝龍虎借籌徵要  
晷煙霞耽隱負  
沈疴年來景况君  
休問詩興閑愁積  
漸多  
海旁蠻市小游仙  
久客因循又一年  
氣化非徒文字  
學縱橫新補算經  
箋金尊檀板羣花  
宴美酒羊羔大  
雪天逆旅夜寒簾  
幙靜比鄰香噴玉  
萎烟  
攬鏡鬚髭識故吾  
烏紗脫卻見頭顱  
懸巖勒馬心先  
穩戲海飛鴻影不  
孤久歷炎涼皆苦  
境弗趨勢利卽  
窮途天教困阨全  
高尚富貴如人亦  
鄙夫

豪華怕逐綺羅場  
鑑物觀人智力強  
空氣機緘魚池  
白橫行刀七瓣尖  
黃不無訾議張  
居正終有勛勞李  
贊皇落拓那堪談  
往事去年今日醉山塘

日計三橫復兩縱  
圍容參悟更疎慵  
春風楊柳當門  
起晝夜催人十二鐘

畫船簫鼓幾回聽  
十載重來夢未醒  
零落鶯花春去  
盡何人初唱柳梢青

符江詩存

五

石船居輯橐

籬落煎茶結暝煙  
雕籠客坐鳥談天  
花枝照水留春  
影壓倒闌干白杜鵑  
綠楊城抱水關低  
歌吹迎人度竹西  
薄暮乍晴還乍  
雨梅花嶺上鷓鴣號  
花湖逢閨得春多  
百三韶光瞬息過  
寒汐晚添瓜步  
水半瓢新月煮肥鮓

病起

江上北風起夜寒  
生客愁輕舸出樊口  
香浪撼沙頭  
黑塞風中笛青樽  
柳外樓故人重調攝  
小愈有詩酬

漢皋酒樓獨酌

獨倚危欄豁遠眸  
江天一覽酒家樓  
觀魚我見升沈局  
臨水人分上下流  
鸚鵡何才終殺禍  
菖茅不貢尚尊周  
歲時荆楚空懷古  
曾有龍飛競渡舟

滬寓

檢點寒衣遠寄將  
方空昨夜北風涼  
驚心事比唐花速  
見面情如夏日長  
半榻蕉陰孤聽雨  
小窗藥臼靜研香  
月明未見吳牛喘  
健步登樓爲底忙

都門送王浦南參軍

開光

回蜀

符江詩存

李

石船居輯橐

年來病久漸知醫  
耗損精神藥豈支  
香國夜通花間訊  
醉鄉日爲酒奔馳  
羨魚未肯收綸早  
躍馬何嫌發軔遲  
閒倚棠梨三兩樹  
涼雲深處立多時

蘇興李超瑜

三首

字季恆號亮儕廩貢生選授綏定府東鄉縣

教諭加翰林院待詔銜超瓊按季弟成童

時吾家生計方絀幾欲廢書習賈以先大夫

不樂也乃止遂能奮志劬學卒以家政之累

弗克專精進取嘗一再至吳旋得校官以歸

到東鄉後頗喜讀書亦時時寄所爲詩與余

相倡和乃年未五十遽爾溘逝悲哉余既作

哀辭一首畧述其行誼載之族譜茲編所錄

卽其自東鄉鈔寄之一二也蓋散佚固已多

收初至東鄉作

歷盡蠶叢路未平籃輿五日到山城令官竟自危途

入小史還從遠道迎學署胥役遠迎百里外四面峯環佳氣在

一庭竹似故園清宮牆居近今方始卻望孤雲淚欲

符江詩存

石船居帽臺

傾于役成都事畢返署得三兄見和詩復次前韻

幼時庭訓本朱程刻厲原深屬望情失怙終身成永

痛安貧累世有餘清喜聞戲綵開華宴可有佳音出

帝城愧我學荒文戰怯又看羣鹿爲人鳴凡月廿四日賦盡稱

賜之盛及大兄掣昂姪赴京兆試皆兄書所詳者故及之

兒子廷穀既婚逾年癸巳春命挈婦詣元和侍

奉因上叔兄一首書亦潤湖卷思甚苦與余

奉因上叔兄一首

我昔少年時從兄遠負笈去家七十里往來恒戴笠  
米囊互肩任籛書其温習文字不申程往往生愧泣  
時節省親歸仍復事樵汲園蔬助母鋤野穉並兄拾  
淒涼歲大饑飽菜常絕粒遺田售欲盡授衣寒未給  
艱難亦已至歡樂固駢集所恃堂上人康疆無愁悒  
一朝椿蔭萎風木悲何急飲恨遂終天卅載長嗚咽  
猶幸永慈暉骨肉慶和輯兄甘邊塞苦我擔家况澀  
冉冉到中年仕宦得階級恐負先人心敢令貨悖入  
聞兄一移官債臺增岌岌奢儉貴得中補苴猶可及

符江詩存

奎

石船居輓橐

諼幃喜無恙上壽逾八十歡笑想融融孫曾方緝緝  
愧我羈山城獨疏侍坐立有兒冠已加欲使代子職  
行與新婦偕來向中吳邑羞膳命加馨巾悅使躬執  
高堂一破顏寸心亦稍憚兒學待發蒙如蟲未啟蟄  
束縛賴嚴師原不厭拘繫尤恐習驕淫更望導謙抑  
肩隨羣從間和氣宜灑灑愛之欲其成勞之安所惜  
但知往時苦或免後來佚作詩述近懷意已馳原隔  
回首趨庭事應共淚痕溼

符江詩存目次

先汪一首

劉望之二首

董翼一首

董為二首

李鳴珂一首

馮名世一首

鄭善夫一首

王統一首

董益二首

董新策八首

楊彤一首

金礪一首

徐濬一首

楊春藻一首

羅文思十三首

陳覽一首

羅洪鑄一首

羅洪紉二首

方永昇一首

稅楠一首

李樹業一首

毛鳳翊一首

左仕俊一首

趙廷策一首

符江詩存

曾道醕一首

黃秀和十九首

彭第臣一首

李楫七首

黃韜文六首

羅廷翼一首

鄒輝榮一首

王學淳一首

陳朝陞三首

陳朝瓊十四首

黃希文十二首

李文十八首

李光澈一首

陳本植一首

劉堃一首

李敬魁一首

蔣肇齡三十首

李超瑜三首

李敬魁一首

蔣肇齡三十首

李超瑜三首

李敬魁一首

蔣肇齡三十首

李超瑜三首

李敬魁一首

蔣肇齡三十首

李超瑜三首

符江詩存

附錄

卅

中匯李超瓊惕夫輯

宋

蘇軾

二首

字子瞻一字和仲別號東坡居士眉州人生

仁宗景祐二年丙子十二月十九日嘉祐二

年成進士官至禮部尚書端明殿侍讀學士

徽宗建中靖國元年辛巳七月二十八日卒

於常州孫氏館葬汝州郟城縣諡文忠

符江詩存

一

石船居輯彙

過安樂山聞山上木葉有文如道士符篆云此

山乃張道陵所寓

天師化去知何在玉印相傳世共珍故國子孫今尙

死滿山秋葉豈能神

超瓊按文忠所聞似一時訛傳安樂山實非道陵所寓或卽因

劉珍而誤取

又一首

按此首文忠集未另列題縣志書重游安樂山似臆造

眞人已不死外慕墮空虛猶餘好名意滿樹寫天書

任 伋 一首

字師中眉州人時由黃州通判遷知瀘州軍



游安樂山

文合五言詩集卷一  
蘇軾詩集卷一

安樂溪上峯萬木生翠羽孤撐切天心橫拓壓坤股  
氣勢西吞夷光芒南定楚雲泉出石竇淋漓灑玉宇  
煙蘿纏林梢搖曳垂翠組士吳潛人錄與二十四

晁說之一首

一首

謫居水字以道又號景迂生鉅野八元豐五年進士  
雲原得東坡以著述科薦之愿官著作郎試中書舍

人兼太子詹事徽猷閣待制

符江詩存

一二石船居輯彙

合江舟中早發

雲氣昏江樹春流沒釣磯如何連夜漲似欲送人歸  
亂石水聲急片帆風力微舟師且停櫓白鷺畏人飛

范成大

五首

題蘇軾字致能號石湖居士吳郡人紹興二十四年  
兼楚西進士官至參知政事謚文穆曾爲四川制置

使五詩其去蜀時作也

題譚德稱扇

德稱與楊商卿父子送余遠至瀘  
之合江以扇求詩各爲題一絕

蠻風吹雨瘴江肥短草荒山鳥不飛盡是瀘南腸斷

句如今分與故人歸

題楊商卿扇

君歸我去兩銷魂  
愁滿千山鎖瘴雲  
後夜短檠風雨  
暗誰能相伴細論文

題楊子容扇

雙竹軒窗聽讀書  
垂天雲翼要搏扶  
與君只作三年  
別射策東來過石湖

合江譚德稱楊商卿父子送余自成都合江亭相從

至廬南合江縣始分袂水行踰千里作詩以

符江詩存

三石船居輯彙

別

合江亭前送我來  
合江縣裏別我去  
江流好合人好  
乖明目東西南北路  
千里追隨不忍歸  
一杯重把知  
何處臨歧心曲兩  
茫然但祝頻書無  
別語

發合江數里寄楊商卿諸公

臨分滿意說離愁  
草草無言祇淚流  
船尾竹林遮縣  
市故人猶自立沙頭

陸游一首

字務觀自號放翁山陰人以薦補登仕郎賜

進士出身仕至寶章閣待制封渭南伯常通  
判夔州王炎宣撫川陝辟爲幹辦公事范成  
大帥蜀游爲參議官故在蜀頗久焉

謁西涼神祠

懸瀑雪飛舞奇峰玉嶙峋搖碎一江月來謁西涼神  
我雖不識神知是山水人不敢持笏來短褐整幅巾  
出我囊中香羞我南谿贖杯湛玻璃春盤橫水精鱗  
出門意恫怛煙波浩無津安得結茆地與神永爲鄰

許伉一首

符江詩存

石船居輯彙

廬州人官至太常寺卿

出門題君祥北巖

北巖古名勝風木盤詰曲萬象併徙倚一見無留矚  
我歸訪鄉舊世事嗟反覆羨君百畝宮繞窗藝松竹  
吟哦翠微裏縹渺如翔鶴浩浩閱滄波俯仰媚幽獨  
傳家有令子何止粲蘭玉高臥恐未能鳴騶行入谷

楊

申一首

廬州人進士

合江泛舟

莫踏街頭塵甯飲城東水江頭放船去葦間問漁子  
岸深魚有家鳧雁在中泚得酒可以歌得樹可以躡  
風波無前期游者亦如此短篙興時策遠山醉時几  
我老不奈醒日落西風起

明

楊

慎二首

字用修一字升盦新都人大學士少師文忠  
公廷和子也正德六年進士第一翰林院修  
撰充經筵講官嘉靖三年以爭大禮偕廷臣

符江詩存

五

石船居輯彙

伏左順門力諫撼門大哭下詔獄廷杖者再  
謫戍雲南永昌衛至三十八年七月卒於戍  
所年七十有二所著自詩文外雜著至一百  
餘種明史本傳言記誦之博著作之富推爲  
明代第一隆慶初贈光祿寺少卿天啟中追

謚文憲

送曾東石還合江

文鳥生岷山來翔十二樓覽得簫韶下長鳴向南州  
翩翩慕儔者睠言不可留河梁一相送飄風吹方舟

山川隔光彩嘉會期三秋清商易終曲何以慰離愁  
常恐麗澤遠索居多愆尤馳心如日月光彩隨南流  
脫有歸飛翼因之問阻修

曾少岷惠忠州新琢雲根筆

忠州井邑聚雲根筠管千年駁薛痕好伴輪囷接卿  
霏不同灑勒暗蠻村高標自表嚴顏節文藻堪招陸

贄魂西蜀鍾奇難韞積南豐新詠重瑤琨

鍾惺一首

字伯敬竟陵人萬曆三十八年進士授行人

符江詩存

六石船居輯彙

遷工部主事南京禮部郎中福建提學僉事

以父憂歸卒於家事迹載明史文苑袁宏道

黃脈內傳後史言惺爲詩矯宏道清真之說變而爲

幽深孤峭與同里譚元春齊名時謂之竟陵

忠州共體云

合江舟中早發

日登寒流次第明開窗剛見半江晴迎舟亂渚如還  
往隔水羣峯互避爭不覺鳴榔先午夜怪無擊柝續  
殘更披衣驚失舟栖處百五飛湍夢裏行

王夢熊一首

字非熊巴縣人萬曆四十一年進士崇禎中  
仕至禮部尙書兼東閣大學士以與周延儒  
曠被劾罷官宏光初卽家改兵部尙書兼文  
淵閣大學士總督川湖雲貴軍務討流賊無  
功走死畢節山中

寄馮人天黔按

人天名晉卿谷江人崇禎戊辰  
進士歷河南道監察御史彈劾

不避權要巡按貴州剔除弊政課士講學請  
以贖銀修由蜀入黔各路商賈稱便繡像祀  
之崇禎貴州名宦著有天符  
箋草其政績具載貴州通志

符江詩存

七石船居輯彙

矢清鑿部在登車半壁功高丈樹餘馬粟寒生驄使  
旆犢刀秋淨竹王墟紆籌特定先庚策退食惟披大  
酉書卻寄草堂情不淺拒霜花發雁來初

樊一齋一首

字君帶宜賓人萬曆四十七年進士崇禎中

歷官甯夏巡撫能歸十六年冬用薦起兵部

右侍郎總督川陝軍務道阻命未達福王立

南京復申前命一齋自遵義檄諸郡舊將大

舉討賊屢敗張獻忠之黨收復川南城邑者

數十及獻忠死孫可望等南奔曾英戰歿於  
重慶兵遂不振然一薊猶再駐江上爲收復  
全蜀計永明王拜一薊戶兵二部尙書加大  
子太傅而事已不可爲矣順治八年九月始  
遭疾死山中

過折桅灘

世路崎嶇久灘聲此際聞浪輕如吐月波遠似隨雲  
水勢浮沈變人情冷煖分靜思江上理鼓棹日將曛

國朝

符江詩存

八

石船居輯彙

董明命三首

字見初合州人官敘瀘兵備副使後居合江

毘盧寺

寺下三江匯臨軒心自澄九如城可掬斗絕地難憑  
山色隨煙變波光挾日升布帆爭上下登眺幾人曾

丁未夏日山莊卽事

初意全無事治生恐未宜甯知清淡況不受世情嗤  
蔬果因時出雞豚量節施歸來方恨晚旣懶復成癡

其二

徑曲循欄入籬疏倩竹閑花香時入座酒氣日親山  
僧舍藤蘿裏鵲巢戶牖間披襟乘暮爽隨意坐苔斑

魏學渠 一首

籍貫未詳時任川南副使

贈董見初副使明命

峩眉截業上清霄戰野新開靜不囂諭蜀曾傳司馬

至按圖未覺臥龍遙錦城花照千山月雪嶺雲連萬

里橋此烟綬牙誰得似江都繁露比瓊瑤

王士禎 注道

一字敬土號荆亭

符江詩存

九 石船居輯彙

王士禎子貞一字貽上號阮亭別號漁洋山人山

里辭也東新城入順治乙未進士官至刑部尙書謚

至對圖文簡

長安氏 王 頤有角東掃鄴宮西定蜀西域枝尉婆樓

兒勒銘直到岷山腹功成振旅城陽中萬里玉門旌

旆紅三十六國拜都護酒酣作賦輟茲宮甲乙讖成

尉氏藏頭羊食以毛蹴血螺龍書起姑城城坐制三

河亦人傑少岷山下岷江流西涼廟貌凌高秋山頭



龍出作雲雨神靈雜沓風颼颼煙銷雨散渺何許靈

欲歸兮澹容與船旂獵獵西北斜落日陰房竄蒼鼠

超與按文簡此詩以西涼神爲呂光言符秦時光平李焉之亂故蜀人祀之似一時誤記未考之過光平

蜀亂在晉甯康二年甲戌其後十三年丙戌始據三河稱涼王而蜀已復爲晉有矣且堯乃後涼非西涼

也余嘗作詩正之并著辯一首刻入家山集非敢與名德筆公爲異議特以鄉里之事當考實耳

合江縣

縹緲蠻荒水東南裂地來江臨巴子闊山倚少眠開

故國音書絕天涯老鬢催渝歌聲太苦中夜起徘徊

合江早發

符江詩存

十石船居輯彙

放溜更殘裏熹微霽色間鴉飛符縣北日出少岷山

衆水當渝會扁舟下瀨還密心爭歲暮猶自滯烏蠻

贈樊蠻曙二首

合江瀆溪宜賓人進士時官翰林院檢討

別董若谷

留君不肯住一棹賦歸來花徑人重訪龍門眼又開

忘機存古道娛老有仙才好護籬邊菊招予九日杯

留別董嘉三孝廉

愛爾難爲別臨風首重搔青春應奪錦丹地待揮毫

科第資宏博文章尙節操吾焚賢宅相老眼看宮袍

陳書一首

莫鹽亭人進士時官禮部郎中

蘇氏送董雪畊歸養

高州蘇氏

朔風吹塞鴈黃菊冷霜姿太史整歸轡都門十月時  
北方劇寒冽捲地驚颺馳魚鳧天萬里承明從此辭  
憶自計偕來幾月居京師文戰決堅壘光彩動龍墀  
同輩各返旆玉堂客淹遲敝舍居僧寮薪米籌銖錙  
朝選陰何句暮耽徐庾詞炎涼忽換節定省嗟睽離

符江詩存

十一  
石船居輯彙

此章旣得請豈憚風雪欺嗟予忝粉梓七載違東籬  
高堂亦垂白躑躅歸無期自君居比鄰傾吐豁心脾  
奈何當此別貧病增鬱伊執手西南望計程過巫夔  
舞斑日正長百歲契蒼龜閔中盛著作南陔篇什垂  
人生重彝倫富貴將焉爲冰清有前輩謂樊貞  
溪檢詩養志  
橫江湄相逢惠問高風總難追

莫應熊一首

莫應熊

河南人時官成都府知府

游流杯池

章句

翠壁掛清湍森陰夏日寒鑿池留勝蹟引水作奇觀  
古木撐霄立蒼藤繞洞蟠王琛逸興在流筇未曾乾

黃良佐 八首

邑令福建晉江人進士

流杯春玩

遲遲春色好古澗咽清泉刻籥驅流轉飛觴遶石穿  
綺羅多拾翠幽隱半登仙今古奇觀處蘭亭孰後先

鐵瀘鳳展

疇爲開大冶連峙此鍾奇旭日多文彩春雲若羽儀

符江詩存

主 石船居輯彙

岐山來集後阿閣振鳴時一笛懷仙客飄然勢欲翹

丁山聳翠

孤標真突兀佳氣上崔嵬疊深縈草團團宛襯苔  
煙空峯更迥雨過翠偏來好具江山眼三川堂上開

筆架連雲

三峯同斷續奇拔早名聞斗氣空中合幽形箇裏分  
碧吞千壑影秀結半天雲惆悵仙踪遠松蒼動夕曛

古木之溪秋練

長流饒曲折肅氣冷江城一色侵銀漢千層濯水晶

煙舍秋漲盡風引碧綃輕此際堪娛目吳門浪得名

八書巖夜月

幽谷黃昏後清輝瑩碧溪何人開絳帳到此植青藜

漏永疎星澈崖空皓魄低不堪秋度雁嘹唳數峯西

八榕山聚雪

六出飛花滿天山卽此看渾無塵半點重有玉千盤

翠黛朝嵐沒銀屏夜月寒何人歌楚曲彷彿擬幽蘭

魚入龍窩

漫道朝宗遠於今過禹門江聲來潑沆雲氣起蜿蜒

符江詩存

三

石船居輯彙

在藻原非偶餐花自不論好看鱗甲變奚羨化鵬鯤

連青

六首

邑令

六出漫興五首

入夏覺無事疏慵况性生堂虛牘吏散風過葛衣輕

夢是花間穩詩多竹裏成春歸還未遠日自有鶯聲

早衙初放後跌坐卽安禪啜茗心知苦看花眼自憐

久荒彭澤菊便買漢陽船莫笑空囊澀原無作孽錢

江草綠不已江波無限情非關愛蘿薜竊恐負簪纓

墨綬三年被奚囊一葉輕封侯人自貴落落老書生  
古人亦欺我漫傳蜀道難巫雲平似掌錦水淨於純  
片石且相語幽花時自餐終慙漆園吏蝴蝶夢中安  
五斗不爲薄鄉心其柰何三年邊雁少萬里海雲多  
舊宅安邱壑新衣製薜蘿遺書報親串青眼待高歌  
際遊流杯池聽周子鼎度曲  
涉江采芳杜之子意何其落日明孤嶼秋花出短籬  
微酣蕉葉酒高唱柳枝詞曲誤不須顧人間知者誰

葉體仁二首

符江詩存

古石船居輯彙

邑令湖北江夏舉人乾隆二十一年任創修

縣志置書院田產善政多可稱人間

爲貞女趙華蓮賦

烈哉趙女命之否未及結褵夫先死夫死誓不再許

人齧破十指血沁齒可憐依戀舅與姑願竭承歡侍

甘旨書成寄到亦傷懷爲夫延嗣姪作子歷盡艱辛

志靡他獨守孤闈悲且喜似此貞操世所希松柏歲

寒堪與比眉已黃兮頭已白正氣凌霄傳梓里余嘉

此志勤載筆留與後人補青史

鳳儀書院課士作 十首錄一

師友相親聚一廬  
晦明風雨意躊躇  
海能容物何曾滿  
竹可參天却愛虛  
好學猶嫌恥下問  
多聞須念慎其餘  
平生自笑無他善  
到處逢人勸讀書

譚中鼎 一首

邑令

儀山別業

新成別業翦蒿萊  
桃李殷勤手自栽  
面面看雲堆錦繡  
層層得月接樓臺  
簿書晚照花陰近  
鳧舄朝飛竹

符江詩存

圭石船居輯彙

苑來莫怪結廬依  
絕頂紅塵飄不到  
天台

傅王有榕 一首

對邑令湖北孝感人  
優貢乾隆四十三年任歲

適大饑設法賑濟民多賴以全活

游筆架山

振衣碧落紫霄端  
如此青天豈未難  
香度武夷山九曲  
雲浮平蓋路千盤  
固知坐有談經客  
更向誰求換骨丹  
熟客遠征應寄語  
風清六月尚輕寒

李調元 一首

贈士

平風... 守雨村羅江人時官翰林院編修

憶昔行送蔣峙南先生兆奎之官合江

憶昔逢君揚州城然諾直欲千金輕馬上論交卽千古眼光對我秋江明星斗無端忽南北南鄭城邊別不得自攜雞酒話離愁日脚欲壓華山黑豈意才名三十年鄭虔還坐廣文壇一朝擲筆騰空去十八瀛洲春宴還謁來謁選驚老醜白云折腰爲五斗踏徧天下今更竒劔南山水落吾手我方臥病辭承明林泉之樂思至今他年拄杖爲老民花柳村中聞好音符江詩存

夫 石船居輯彙

泉朱雲驕三首

天王令字葉村江蘇金匱大喜爲詩善畫寓居城北

附春宴猶舍二十餘年年以十五乃卒無子友人共

三十平薜之

不醉廣濟橋醉清猶愁日湖浴羶華山黑豈意下

涼吹起江心清空散碧陰危橋懸雪浪虛岸伏楓林

漁棹風煙近臥家雲水侵遙聞灘急處別奏海潮音

宿雲峯寺

平列禪房倚石根晚風淅淅自關門侵階薄露心猶

洗覆檻奇花香可捫萬里銀蟾明淨界一聲僧磬破  
黃昏山林幽趣原無價爲我賒來對榻論

借羅之溪訪張杏園於所居之雪練溪

雪練溪環岷山巖小橋流水鴨綠陂一徑松篁豆花  
籬山莊幽然枕清湄筆林茗具各相宜疎簾曲檻開  
襟期主人爛漫古鬢眉意象閒逸脫町畦超常肴核  
引醅醕興酣笑索羅君詩二子珠璣拋毛錐飲我大  
醉十千卮詩酒盤桓既久之溪山月上景益奇欲歸  
欲歸難爲辭

符江詩存

七

石船居輯彙

張問陶二首

字船山遂甯人相國文端公鵬翮之孫官翰

林院編修終知府有船山詩集

少岷山對古巖臥意寒間並錫訓

獨山競推挽少岷獨無黨礪柯有正滑

孤高終自竝名鍾非標榜風雨出半壁

蒼茫閱人代過眼誰真賞岸如古丈夫

君不見羣環列貌可憐聳背昂頭不能傲

合江灘上作詩投西涼王



鰓部水東石梁舟人報賽情皇皇下官旣醉不持笏  
一杯笑勸西涼王鬼神之事原渺茫地險那得誇身  
強腐鼠嚇人極無味索錢索肉尤荒唐我等酒人一  
生死便投水火殊平常南渡洞庭北河曲東窺滄海  
西瞿唐腰間大劍亮如雪我舟一過蛟龍藏爾神雖  
暴毋猖狂

李榮恩一首

賦尚質字澄齋又號乃爾山人富順諸生與李牙山

交攜妻子至合江放浪詩酒歿葬毘廬寺下

符江詩存

大石船居輯彙

秋夜宿毘廬寺合江

起向深更坐尋思百感空朗然蕭寺月清絕大江風  
客影鄰漁火秋聲亂草蟲此間真意味問有幾人同  
暴壬昌年二首

磨刀溪

在昔征黔地磨刀古渡頭至今嗚咽水猶自響寒流

路接牂柯郡人多窄棘儔版圖今一統職貢比梁州

磨刀溪

在縣南三十里鰓部溪畔洞深莫測怪石磷岫俗傳有仙出入其間

女兒灘下水潺湲  
仙子乘鸞去不還  
古洞幽深迷故跡  
林花寂寞鎖崖關  
惟餘湧翠山千疊  
空對多情月一彎  
我到招提銷永日  
攜朋隨處快追攀

葉兆熊

三首

邑典史桐城人

題水村垂釣圖

瀟灑蘆灘蓼岸邊  
醒時垂釣醉時眠  
清晨網得鱸魚賣  
不欠城中貰酒錢

壬申夏方擬引疾歸適見陳寅谷所畫江山萬

符江詩存

九  
石船居輯彙

里圖因題二絕

萬里江流遠家鄉  
北斗邊雲林佳勝  
處髣髴認龍眠  
好辭巴子國徑上水蘭船  
多情三峽水相送到縱川

楊致道

四首

葉兆熊教諭字鱣堂江津人乾隆甲寅舉人在任

二十餘年遷安徽和州州同告歸年九十乃

林林萃著有鱣堂詩文鈔

吳長九日偕同人游呂袖閣去不盡古風幽雅遊

詩酒仙人跡尙留重經此地又深秋黃花放處催新  
什白髮談時憶舊游百尺樓高風漸冷一天雲淡雨  
初收呼朋暢酌歸來晚帶月江心泛小舟

丁卯除夕

曾慕昌黎學送窮寒齋仍是舊家風安常半爲心知  
足薄奉全因歲次豐

是秋欠熟

一酌酒嘗燈下影三更

坐雨聲中團圞試聽妻孥語笑說來年或不同

學宮兩桂重開

曾於搖落惜芳辰又見雙株桂蕊新帶月枝留前度

符江詩存

壬子石船居輯彙

雨盈階香撲舊時人樹綠對蔭扶疎好花到重開點  
綴神桃李也將爭秀發同舍生意待迎春

坐雨夏日游毘盧寺

寺外有李澄齋墓

歸來半更不同

古寺臨江上登舟任往還相逢長夏泪宛對少眠山  
市遠禪房靜林深鳥語閒惟憐詩士墓不忍聽潺湲

鄭國楹二首

邑訓導字漁溪隆昌人乾隆甲寅舉人

茶憩亭小坐

籃輿初駕出郊坰早見帘開十里亭檻外鶯聲藏密

樹江中帆影度遙汀行人執掌思泉石主意綢繆煮  
醪醺小憩襟懷殊爽豁凭欄一望數峯清

仙牛井

縣西十數里石上巖跡宛然

銀漢曾牽欲渡頭何緣此井有仙牛但聞老樹山中  
化却向寒泉地上游眠跡不隨苔井滅蹄涔猶傍輶  
轡流而吟並受王明福汲古須知用綆修

李氏惺

一首

一山餘字西漚塾江人翰林院檢討官至國子監司  
業著有西漚全集

符江詩存

三

石船居輯彙

輕舟

一山縱更一山橫兜住長江不放行畢竟江流解大  
意輕舟已過鐵瀘城

謝連莖

四首

邑令字簡菴江蘇丹徒拔貢道光三十年任  
鋤姦剔弊百廢具興尤喜扶植善類整頓學  
校故在官僅數月至今邑人士猶歌頌之去

穎翻小思之碑幾徧境內與前令甘肅清水劉公養  
鋒諱玉屏者稱吾邑近世賢令之最云



登四照樓環眺

徙倚危欄縱遠眸  
少眠縣巨鎮江頭縱橫字水三叉  
匯上下城廂一帶收  
南峙文峯排嶺萃北盤石砦鎖  
汀洲豁觀更見朝陽景霞蔚雲蒸迥不侔

南鄉石垣僑寓二首

蠟屐新探地一屨經營小築意欣然  
挹來山色當門笑愛聽江聲傍水眠  
世味嘗過如中酒名心冷盡欲逃禪  
宜懷最是千竿竹逼我吟情聳瘦肩

符江詩存

石船居輯彙

買花叢香淺不須闌青芻白酒人偏健  
古劍名琴客共看漫道夕陽無限好且將及樂老漁竿

笑吳廷楨

四首

起訓導字淮樓小築意欣然挹來山色當門

秋日偕黃海門覽文許立三志安諸友游家贖

堂上舍之宜園即景有作  
宜園在東鄉下匯之板橋

鯉魚風細盪輕橈綠橋丹楓兩岸遙  
還是草廬秋色

富涉江先有小山招

蟻折而升眼界開大江東注碧雲隈  
木樨岑上天風

迥不辨何花香到來

八桂亭東竹翠鋪竹東樓閣宛金塗先生向在雲深處何日移家住鏡湖

已是林居安樂窩黃金虛北較如何試憑小李將軍

畫筆底增刪也不多

周之楷二首

數字式軒又字慕蘭江西金谿人從其父徹幕

八未涼游蜀中最久著有水竹主人詩鈔十一卷

舟發合江

符江詩存

三首石船居輯彙

六載清游地今朝又放舟江聲來鰓部山下渝州人未忘異語身還類楚囚飄飄天際客笑殺幾閒鷗

過合江

雁沒鷗汀漲碧瀾片帆飛過荔支灘穿雲亂石逞荒

怪欄岸諸峰生峭寒地近夜郎風慘慘天圍巴郡樹

團團六年兩渡攜家便未覺關河行路難小卒謀軍

八桂亭東竹翠鋪

竹東樓閣宛金塗先生向在雲深處

迥不辨何花香到來

甲午秋高九拙園自涑水騰書言其兄澂南編修欲彙瀘人詩刻之若全蜀詩之類合江固瀘屬也屬爲搜輯以備採擇超瓊念邑中先輩著作卽近如李豸山之武夫草亦未及見遠者更無論已因函乞舅氏黃繼可先生謀之今春奉復書亦以無可得爲憾而緘縣志藝文一卷及雲海公之詩以來超瓊旣數讀之竊思郡邑志乘藝文當仿史例收載著作篇目前吾邑乃屬登詩文實爲華體然幸賴有此故能使前人吟詠之精神不盡泯滅否則欲求一字一句亦安符江詩存

查石船居輯彙

所得哉公暇依次手鈔并以所藏所記憶者入之得詩百七十九首都爲一卷名曰符江詩存言夫存者之僅僅有此也非敢削也蓋有待也昔人謂總集之作一則網羅放佚使零簡殘什並有所歸一則刪汰繁蕪使莠稗咸除菁華畢出刪汰吾烏乎用之吾爲網羅而已求有所歸者也以爲以詩存人可也以爲以人存詩亦可也聰明太子撰文選以何遜猶在不錄其詩故見存之人雖有佳什流播不之錄也唐姚合編極元集於王維以次凡字及爵里與登科之年



一一詳載吾錄詩而兼具小傳蓋本此也不及知者  
缺之合於僧靈一四人亦不著也朱彝尊之刻明詩  
綜於其祖文恪公錄五十八首其父子若先生錄八  
首吾錄吾父吾弟之詩又本此也元遺山中州集登  
其父德明之作蓋已先之矣其非邑人或官於斯或  
流寓而詩爲吾邑作者附焉明邱吉吳興絕唱集所  
同者也此輯詩之例也夫詩之輕重視乎其人必論  
其至則代不過數人入不過數篇前人固言之矣是  
古今詩之可廢者多也一邑之作烏在其皆可存也

符江詩存

齋

石船居輯彙

然就一邑言之微特遠如劉秘書之觀堂集苟可得  
焉所必存也其如近而武夫卓之亦不及見何也吾  
邑人能共爲搜輯使續有存焉者乎則由一卷而數  
卷數十卷焉奚不可也故曰有待也姑先以此報激  
南園拙云爾光緒二十二年六月朔日李超瓊惕夫  
跋于毘陵陽湖官舍

蘇其歸文辭公幾正士凡首其父年時從聖殿其

難之合儀繪靈之四人派不普而素義尊之微細微

一編精潔吾繼而兼具小漸蓋本此書不又時清

